

23
(1341)-son
8-iyun
2018

Xabar

ERURSEN SHOH, AGAR OGOHSEN SEN
AGAR OGOHSEN SEN, SHOHSEN SEN

ЎЗБЕКИСТОН RESPUBLIKASI AXBOROT TEXNOLOGIYALARI VA KOMMUNIKATSIYALARINI RIVOJLANTIRISH VAZIRLIGI NASHRI

1992-yil martdan chiqa boshlagan www.xabar.uz

УШБУ СОНДА:

ҲАРАКАТЛАР СТРАТЕГИЯСИ

Кучли мутахассис тайёрлаш сифатли таълимга боғлиқ **2-бет**

ИНТЕРВЮ

Ойдин Аҳмедова:
"Ахборот хавфсизлиги йўналишида 500 нафар талаба билим оляпти" **4-бет**

Е.БИРГЕР:

"Новая почта Узбекистана внесёт уникальный вклад в развитие государства" **6-бет**

РЕПОРТАЖ

Тоғлар бағридан тўлқинлар узатиб... **9-бет**

"ЎЗБЕКТЕЛЕКОМ" АК:

Инвестицион фаолият ва ривожланишнинг асосий йўналишлари **10-бет**

МАСЛАҲАТ

Нера "Telegram" "WhatsApp"дан афзал — 8та сабаб **11-бет**

РАҲБАРЛИК ҲАМ БИР САҲЪАТ

"Моҳир алоқачи" Жумабой Бўтаев "Xabar" меҳмони **16-бет**

"DAVRA.UZ" ИЖТИМОЙ
ТАРМОҒИ 2 ЙИЛ ИЧИДА!

1 июн кунини "Davra.uz" ижтимоий тармоғи ишга туширилганига 2 йил тўлди.

Натижалар:

19 729


фойдаланувчи

600 гурӯҳ

332 саҳифа

5 470 изохлар

20 130 ёзувлар



РАҚАМЛИ ТЕЛЕВИДЕНИЕ: РИВОЖЛАНИШДА ЯНГИ БОСҚИЧ

Аҳолига ахборот етказишда ОАВлар қаторида телевидение асосий йўналишлардан бири ҳисобланади. У жамият ижтимоий, сиёсий, маданий ҳаётида муҳим ўринга эга.

Барча соҳалар каби телевидение ҳам бугунги шиддаткор даврда бир жойда туриб қолмади. Йиллар давомида ривожланиб, такомиллашиб борди. Рақамли

телевидениенинг яратилиши эса телевидение янги босқичга олиб чиқди.

1998 йилдан дунёда росмана телерадиоэшиттиришлар ва алоқа воситалари соҳасида рақамли технология инқилоб бошланди. Шу даврдан ҳар бир давлат ўз имкониятлари ва иқтисодиётидан келиб чиққан ҳолда рақамли форматга ўта бошлади. Рақамли

технологиялар жуда кенг имкониятларни яратиб берганлиги сабабли, уларни қўллаш замон талаби бўлиб қолди.

Ўтган даврлар мобайнида телекурса-тувларни янги шаклда узатиш турли давлатларда муваффақиятли синовдан ўтказилган ва жорий қилинган. Бугунги кунда рақамли телевидениенинг DVB (Европа), ATSC (Аме-

рика), ISDB (Япония), DTMB (Хитой) стандартлари кенг қўлланиляпти.

Бизнинг мутахассисларимиз томонидан Ўзбекистоннинг ўзига хос жиҳатларини инобатга олган ва бошқа мамлакатлар тажрибасини ўрганган ҳолда рақамли телевидениенинг Европа стандарти танлаб олинди ва қабул қилинди.

8-бет

ОРТДА ҚОЛИБ БЎЛМАЙДИГАН ПОЙГА

Замонавий дунёда мамлакатнинг рақобатбарлошлигини кўп жиҳатдан унинг олимлари интеллектуал потенциали белгиламоқда. Ушбу интеллектуал пойгадан ортда қолмаслигимиз шарт!

Ҳақиқий олимлар — пайғамбарларнинг меросхўрларидир. Олим кишилар табиятан ўта камтар бўлишади ва ўз муаммоларини уларнинг ўзидан эшитиш гумон. Мен таниган олимларнинг ҳаммаси шунақа. Биз спорт ва санъатнинг тарғиботига шу қадар ургу бердикки, натижада хонандалар ва спортчилар жамиятдаги энг таниқли (ва гўёки энг муҳим) шахсларга айланишди. Олимларни ва илмни қадрлашни эса анча вақт унутдик.



13-бет

ЯНГИЛИК

"PAYPAL" ТЎЛОВ ТИЗИМИ ЯҚИН ОЙЛАР ИЧИДА ЎЗБЕКИСТОНДА ИШГА ТУШИШИ МУМКИН


"UzCard" томонидан ишлаб чиқилган дастурий таъминот "PayPal", "Яндекс.Денги", "WebMoney" ва "QIWI" орқали ҳисобни тўлдириш имконини беради ва у "Asia Alliance Bank" банкوماتларида синовдан ўтказилмоқда. Синов муддати тугаши билан хизматлар бошқа банкларда ҳам жорий этилади.

Онлайн-ҳамёнларни нақд ва пластик карталар орқали терминаллар ва инфокиоскларда тўлдириш, шунингдек, "UzCard"га боғланган ҳолда "онлайн-тартиб"да ўтказиш мумкин.

Аҳоли орасидаги ўтказилган мониторингга қўра, аксарият

хизматлар учун тўловларни ушбу тизимлар орқали амалга ошириш қулайлиги маълум бўлди. Бироқ улар бунда учинчи шахслар хизматидан фойдаланишга мажбурдирлар. Бунда комиссия учун ҳатто 9 фоиз хизмат ҳақи олинади. Янги дастурий таъминот жорий этилса, комиссия тўловини валютани конвертация қилувчи банк ечиб олади. Ушбу хизмат ҳақи ўртача 1 фоизга тенг бўлади.

"UzCard" тизими "QIWI", "Яндекс.Денги" ва "WebMoney" билан битим тузган. Компания ҳозирда "PayPal" билан музокара олиб бормоқда.




Реклама

ALSKOM
СУЎЎРТА КОМПАНИЯСИ
СТРАХОВАЯ КОМПАНИЯ

ИПОТЕКА СУЎЎРТАСИ

Тел.: 147-11-00;
Факс: 147-22-00
Хизматлар лицензияланган

Тошкент шаҳри,
Амир Темури кўчаси,
109-уй,
www.alskom.uz



КУЧЛИ МУТАХАССИС ТАЙЁРЛАШ СИФАТЛИ ТАЪЛИМГА БОҒЛИҚ

Шу ҳафтанинг бошида Ўзбекистон Республикаси Президенти мамлакатимиз олий таълим муассасаларига ўқишга қабул қилиш ҳамда таълим сифатини оширишга оид муҳим қарорларга имзо чекди.

Жумладан, Ўзбекистон Республикаси Президентининг “2018/2019 ўқув йилида Ўзбекистон Республикасининг олий таълим муассасаларига ўқишга қабул қилиш тўғрисида”ги қарорига асосан 2018/2019 ўқув йилида Ўзбекистон Республикаси олий таълим муассасаларига ўқишга қабул қилиш бўйича тегишли иловаларга мувофиқ бакалаврлар учун 69 200 нафар, шу жумладан, давлат грантлари бўйича — 17 654 нафар ва тўлов-контракт асосида — 51 546 нафар; магистрлар учун 5 903 нафар, шу жумладан, давлат грантлари бўйича — 1 552 нафар ва тўлов-контракт асосида — 4 351 нафар; махсус сиртқи бўлимларда бакалаврлар учун 11 765 нафар, шу жумладан, давлат грантлари бўйича — 15 нафар ва тўлов-контракт асосида — 11 750 нафар этиб умумий квота белгиланди.

Қарорда 2018/2019 ўқув йилидан бошлаб олий таълим муассасаларида “Мақтабгача таълим” бакалаврият таълим йўналиши бўйича кадрлар тайёрлаш ўқиш муддати 3 йил бўлган бакалаврият таълим дастурлари доирасида амалга оширилиши белгилаб қўйилди. Мазкур ҳужжатга мувофиқ 2018/2019 ўқув йилидан бошлаб Тошкент тиббиёт академиясининг Фарғона филиалига ўқишга қабул қилиш қайтадан тикланди.

Шунингдек, қарор билан олий таълим муассасаларининг сиртқи ва кечки таълим бўлимларига умумий қабул квота республика олий таълим муассасалари бакалавриятга 2018/2019 ўқув йили учун тасдиқланган умумий қабул квотасининг 30 фоизига миқдорда бўлиши, сиртқи ва кечки таълим бўлимларида ўқитиш тўлов-контракт асосида амалга оширилиши, сиртқи ва кечки таълим бўлимларида ўқитиш қиймати тегишли бакалаврият таълим йўналиши бўйича кундузги ўқитиш шакли қийматидан кам бўлмаган миқдорда белгиланди.

Ўзбекистон Республикаси олий ва ўрта махсус таълим вазирлигига Ташқи ишлар вазирлиги, Ташқи ишлар вазирлиги ҳузуридаги мутахассисларни хорижда тайёрлаш ва ватандошлар билан мулоқот маркази, Бандлик ва меҳнат муносабатлари вазирлиги билан биргаликда 2018/2019 ўқув йилидан бошлаб республика олий таълим муассасалари таълим жараёнига хорижий етакчи олимлар, мутахассис-амалиётчилар ва юқори малакали



ўқитувчиларни тегишли бакалаврият таълим йўналишлари ҳамда магистратура мутахассисликлари бўйича дарс машғулотларини ўтказишга жалб этиш чораларини кўриш вазифалари топширилди.

Ўзбекистон Республикаси Президентининг “Олий таълим муассасаларида таълим сифатини ошириш ва уларнинг мамлакатда амалга ошириладиган кенг қамровли ислохотларда фаол иштирокчини таъминлаш бўйича қўшимча чора-тадбирлар тўғрисида”ги қарори ушбу йўналишда тўпланиб қолган муаммоли масалалар ечимида муҳим аҳамиятга эгадир.

Ушбу қарор билан Ўзбекистон Республикаси олий ва ўрта махсус таълим вазирлиги, тасарруфида олий таълим муассасалари мавжуд вазирлик ва идораларнинг 2018/2019 ўқув йилидан бошлаб алоҳида таълим йўналишлари бўйича ўқиш муддати камида уч йил бўлган бакалаврият ҳамда камида бир йил бўлган магистратура жорий этиш, бунда магистратурада мутахассислар тайёрлашни ишлаб чиқариш (амалий) (камида бир йил) ва илмий-педагогик (камида икки йил) йўналишларга ихтисослашган дастурлар асосида ташкил этиш, олий таълим муассасалари бакалавриятга қабул қилиш квоталаридан ташқари хорижий фуқароларни суҳбат асосида тест синовларисиз ўқишга қабул қилиш тўғрисидаги тақлифларига розилик берилди.

Олий таълим муассасаларининг профессор-ўқитувчиларини уларнинг вазифалари ва фаолият йўналишлари билан боғлиқ бўлмаган йўналишларга ва бошқа тадбирларга жалб этиш таққиланди. Агар бу талаб бузилмаган бўлса, давлат органлари ва ташкилотлари раҳбарлари, барча даражадаги ҳокимларга эғаллаб турган лавозимидан озод этишгача бўлган чоралар кўрилади.

Энди ушбу қарорга асосан олий таълим муассасаларининг маънавий-маърифий ишлар бўйича проректори лавозими ўрнига ёшлар билан ишлаш бўйича проректор лавозими жорий этилади.

Ҳар бир олий таълим му-

ассасида янги ғоя ва ташаббусларни шакллантириш мақсадида “Ёш экспертлар гуруҳи” ташкил этилади. Ҳар бир олий таълим муассасасида 1-босқич давомида саралаб олинган энг иқтидорли талабалар учун алоҳида таълим муассасалари кафедралари учун малакали кадрлар тайёрлаш тизимини жорий этиш белгиланди.

Ёш олим ва талабаларга ҳамда ташаббускор фуқароларга мамлакатда инновацион ғоя ва технологияларни ривожлантиришга қўшган муносиб ҳиссаси учун топширилган “Инновацион ғоялар етакчиси” кўкрак нишони таъсис этилади.

Олий ва ўрта махсус таълим вазирлиги тузилмасида қўшимча иккита штат бирлигини ажратган ҳолда Ахборот хизмати ташкил этилади ҳамда олий таълим муассасаларида матбуот котиби лавозими жорий этилади.

Шунингдек, Олий ва ўрта махсус таълим вазирлигига Ахборот технологиялари ва коммуникацияларини ривожлантириш вазирлиги билан биргаликда бир ой муддатда олий таълим муассасаларига халқаро илмий-техник маълумотлар базаларидан фойдаланишга шартонлар яратиш, профессор-ўқитувчиларнинг илмий натижаларини халқаро миқёсда кенг нашр этиш, республика етакчи илмий журналларнинг босқичма-босқич юқори импакт-факторга эга бўлишини таъминлаш, олий таълим тизимини бошқарув жараёнларини ахборот-коммуникация технологиялари асосида оптималлаштириш, мажмуа ахборот тизимларини интеграциялаш, таҳлилий маълумотлар тайёрлашнинг самарали тизимларини жорий этиш, абитуриентлар ҳужжатларини электрон шаклда қабул қилиш тизимини босқичма-босқич яратиш бўйича 2019 йил 1 январгача бўлган муддатда чора-тадбирларни ишлаб чиқиш вазифалари юкланди.

Ўзбекистон Республикаси Президенти Шавкат Мирзиёев 1 июн куни Тошкент шаҳрида амалга ошириладиган бунёдкорлик ишлари ва йирик лойиҳалар билан танишди. Давлатимиз раҳбарининг пойтахтимиз туманларига бу галги ташрифида асосий эътибор Тошкентни замонавий мегаполисга айлантиришга оид долзарб режа ва лойиҳалар ижросига қаратилди.

Ўзбекистон Республикаси Президенти Шавкат Мирзиёев раислигида 5 июн куни ҳудудларда бюджетга қўшимча тушумлар ва маҳсулот ишлаб чиқариш ҳажминини кўпайтириш орқали нархлар барқарорлигини таъминлаш ҳамда инфляциянинг олдини олишда маҳаллий ижро ҳокимияти органлари, солиқ ва молия идораларини раҳбарларининг шахсий масъулияти ва жавобгарлигини ошириш масалаларига бағишланган видеоселектор йиғилиши бўлиб ўтди.

Ўзбекистон Республикаси Президенти Шавкат Мирзиёев 2018 йил 8-10 июн кунлари Хитой Халқ Республикасида бўлиб, Шанхай ҳамкорлик ташкилоти Давлат раҳбарлари кенгашининг Циндао шаҳрида ўтадиган ўн саккизинчи мажлисида иштирок этади. Давлат раҳбарларининг мажлиси якунида Циндао декларацияси қабул қилиниши, Терроризм, сепаратизм ва экстремизмга қарши курашни бўйича 2019-2021 йилларга мўлжалланган ҳамкорлик дастури, Узоқ муддатли яхши қўшничилик, дўстлик ва ҳамкорлик тўғрисидаги шартнома қондаларини амалга ошириш бўйича 2018-2022 йилларга мўлжалланган ҳаракатлар режаси, Ёшларга қўшма муурожаат ва бошқа ҳужжатлар имзоланиши режалаштирилган. Давлатимиз раҳбари ШХТ саммити доирасида икки томонлама қатор учрашув ва музокаралар ўтказди.

Жорий йил 5 июн куни Президент Шавкат Мирзиёев қарори билан Афғонистон Ислон Республикасига Ўзбекистондан 3 минг тонна буғдой ҳамда болалар учун кийим-кечаклар инсонпарварлик ёрдами сифатида юборилди.

6 июн куни Инновацион ривожланиш вазирлиги ва БМТнинг Тараққиёт Дастури ҳамкорлигида “Ўзбекистоннинг инновацион ривожланишда тавлаған йўли” мавзусида давра суҳбати бўлиб ўтди. Унда мамлакатимизнинг инновацион тараққиёт йўналишларини аниқлаб берувчи асосий ҳужжатлардан бири — Ўзбекистон Республикаси Инновацион ривожланиш стратегиясини ишлаб чиқиш эътибор марказида бўлди.

Россиянинг Санкт-Петербург шаҳрида 6-8 июн кунлари “Ўзбекистон маданий мероси халқлар ва мамлакатлар ўртасида мулоқотга йўл” Иккинчи халқаро Конгресси бўлиб ўтди. Анжуман доирасида Санкт-Петербургдаги Россия этнография музейи, Россия Миллий кутубхонаси, Давлат Дин тарихи музейи, Шарқ кўлемлари институти ва бошқа бир қатор илмий ва маданий муассасаларда Ўзбекистонга оид кўргазмалар ташкил этилди.

“Ёш олим ва талабаларга ҳамда ташаббускор фуқароларга мамлакатда инновацион ғоя ва технологияларни ривожлантиришга қўшган муносиб ҳиссаси учун топшириладиган “Инновацион ғоялар етакчиси” кўкрак нишони таъсис этилади.”

ВАЗИРЛИҚДА ҚОЗОҒИСТОН ЭЛЧИСИ БИЛАН УЧРАШУВ БЎЛИБ ЎТДИ



Ахборот технологиялари ва коммуникацияларини ривожлантириш вазирлигида 6 июн куни Қозоғистон Республикасининг Ўзбекистондаги факултода ва мухтор элчиси Ерик Утембаев билан учрашув бўлиб ўтди.

Учрашувда Ўзбекистон томони меҳмонни мамлакатимизда АКТ соҳасини ривожлантириш бўйича амалга оширилаётган чора-тадбирлар билан яқиндан таништирди. Соҳани тараққий эттириш масаласи ҳукуматнинг диққат-

этиборида экани таъкидланди.

Ўз навбатида, Ерик Утембаев ҳам Қозоғистон Республикасида ахборот-коммуникация технологиялари соҳасида амалга оширилаётган ишлар хусусида маълумот берди. Жумладан, қўшнилариимиз томонидан "Рақамли Қозоғистон" дастури қабул қилингани, унинг асосида 2018-2022 йилларда йирик лойиҳалар амалга оширилиши ҳақида маълумот берилди.

Томонлар ҳар иккала давлатнинг АКТ соҳаси маъмур-

лари ўртасида ўрнатилган икки томонлама яқин шерикчилик истиқболи, Ўзбекистон ва Қозоғистон бу йўналишдаги ҳамкорликни ривожлантиришда юқори салоҳиятга эга эканлиги қайд этилди.

Учрашув мобайнида ахборот технологияларининг турли йўналишларида тажриба алмашишни йўлга қўйиш, рақамли иқтисодиётни ривожлантиришда ҳар икки давлатнинг бизнес вакиллари жалб қилишга келишиб олинди.

ИННОВАЦИЯ

ТАЛАБАЛАР ҲАЛИ ЎЗБЕКИСТОНДА ЖОРИЙ ЭТИЛМАГАН ИННОВАЦИЯГА ҚЎЛ УРИШДИ

Тошкент шаҳридаги ИНХА университети (IUT)нинг бир гуруҳ талабалари "Учувчисиз технологиялар" компаниясида меҳнат қилиб, ерни таҳлил қилиш ва прогнозлаш тизими модулини ишлаб чиқиш устида ишламоқдалар, деб хабар берди университет матбуот хизмати.

Учувчисиз тизимлар эксплуатацияси бўйича "Учувчисиз технологиялар" компанияси 2017 йилнинг охирида "Ўзбекизонқатқолдинг" ХК қошида ташкил этилган.

Компания "Птеро G1" (Россия)нинг учувчисиз авиация тизимларини қишлоқ хўжалиги экинлари ўлчами ва уларнинг ривожланиш мониторингини олиб бориш учун эксплуатация қилади. Бу эса ўз вақтида картографик материалларни янгилаш ва агротехник тадбирлардаги



камчиликларни бартараф этиш имконини беради.

УУА (учувчисиз учиб аппаратлари) орқали фотосуратга олиш қишлоқ хўжалиги ер майдонини тез ва тўғри баҳолаш имконини беради. Доймий мониторинг эса ҳосилнинг сифатини назорат қилиш ва экинлардаги ўғирлик ҳолати ва ҳосилнинг зарарланишини баҳолаш имконини беради. Бу маълумотларнинг барчаси зудлик билан экин ҳолатидаги ўзгаришга жавоб бериш, ўз вақтида қарор қабул қилиш ва натижада ердан фойдаланиш самарадорлигини оширишга ёрдам беради.

Тошкент шаҳридаги ИНХА университети талабалари Ширин Ахмедходжаева, Хумоюн Аминалдинов (2-босқич талаба-

лари), Дилмурод Мадраҳимов (3-босқич талабаси) ва Юнус Саъдуллаев (1-босқич талабаси) "Птеро G1" УУА ёрдамида яратилган фотосуратлар асосида ер майдони ҳолатини таҳлил қилиш ва прогнозлаш тизими модулини яратишди.

Дастурий таъминот бир спектрал таҳлилни амалга ошириш ва ўсимликларнинг индекси NDVI (Normalized Difference Vegetation Index)ни ҳисоблаб чиқиш имконини беради.

Шавкат Қодиров, "Учувчисиз технологиялар" компанияси директори:

— Талабалар минтақамизнинг ўзига хослигини инobatта олган ҳолда жуда истиқболли йўналишни танлашди. Шуниси қувонарлики, улар ўзларининг

ахборот технологиялари соҳасидаги билимларини кўнгилочар нарсаларга эмас, балки Ўзбекистон қишлоқ хўжалиги соҳасини ривожлантиришга йўналтиришди. Таъкидлаш жоизки, улар амалга оширган ҳамда ошираётган ишлар инновацион бўлиб, ҳали Ўзбекистонда жорий этилмаган.

— Мултиспектрал тасвирлар ёрдамида "RedEdge Micasense" камерасидан фойдаланган ҳолда биз майдоннинг NDVI харитасини яратамиз, — дейди Хумоюн Аминалдинов. — Кейин алгоритм заиф/ночор (сув тақчил ёки жуда кўп бўлган) жойларни аниқлаб, ўсиш самардорлигини ошириш учун зарур чора-тадбирлар қабул қилишга ёрдам беради.



ОРОМҒОҲ-2018

"АЛОҚАЧИ" ШОДЛИККА ТЎЛДИ

Мактабларда ўқишлар тугаши билан у ердаги шовқин-сурон, болажонлар шўхлик ва шодликлари болалар ёзги оромгоҳларига кўчадан пайт етиб келди — Ёз-2018 мавсуми бошланди.

"Ўзбектелеком" АК "Тошкент шаҳар телефон тармоғи" филиали тасарруфидаги "Алоқачи" болалар оромгоҳи ҳам бугун алоқачиларнинг фарзандларидан 350 нафарини қабул қилиб олади. Оромгоҳ баҳаво ва сўлим гўша — Тошкент ви-

лоятининг Бўстонлиқ туманида, тоғлар бағрида жойлашган.

— Болалар учун сеvimли бўлиб қолган бу ажойиб масканни жорий йил мавсумига тайёрлаш ҳамда таътил даври мароқди ўтишини ташкиллаштириш мақсадида қурилиш, жорий ва тубдан таъмирлаш, ободонлаштириш ва бошқа йўналишлар бўйича кенг қўламли ишлар олиб борилди, — дейди филиал касаба уюшмаси қўмитаси етакчи мутахассиси Гулнара Солиева. — Натижада ором-

гоҳ ўз муддатида мавсумга тахт қилиб қўйилди.

Мавсум давомида болаларнинг мароқли дам олишларини таъминлаш мақсадида сузиш ҳавзаси, футбол, баскетбол ва волейбол майдончалари, маданий хордиқ чиқаришлари учун тадбирлар ўтказишга мўлжалланган эстрада майдончаси, турли тўгарак хоналари, 500та китоб қўйилган кутубхона чиройли таъмирдан чиқарилди. Шунингдек, 48 кишига мўлжал-

ланган ота-оналар хонаси электр жиҳозлари ва идиш-товуқлар билан, табиёт хонаси етарли даражада дори-дармонлар билан таъминланди.

Оромгоҳда ҳар йилгидек, бу йилги мавсумда ҳам 8 июндан 1 августга қадар белгиланган жадвал асосида тўрт навбатда, ҳар бир навбатда 350 нафардан, жами 1400 нафар болани соғломлаштириш кўзга тутилган.

М.ИДРИСҲЎЖАЕВА

Ойдин АҲМЕДОВА: “АХБОРОТ ХАВФСИЗЛИГИ ЙЎНАЛИШИДА 500 НАФАР ТАЛАБА БИЛИМ ОЛЯПТИ”



Муҳаммад ал-Хоразмий номидаги Тошкент ахборот технологиялари университетига ахборот хавфсизлиги факултети ташкил этилганига кўп бўлгани йўқ. Ушбу факултетни очишга нималар сабаб бўлди, ўтган давр мобайнида қандай ишлар амалга оширилди? Мухбиримиз билан суҳбатда факултет “Криптология ва дискрет математика” кафедраси мудири, техника фанлари номзоди Ойдин АҲМЕДОВА ана шулар ҳақида гапирди.

— Ойдин Пўлатовна, мазкур факултетни ташкил этишга қандай эҳтиёж бор эди?

— Жамиятимиз ҳаётига ахборот-коммуникация технологиялари янада кўпроқ шиддат билан кириб келаётгани сари ундан кенг қўламда ва турли мақсадларда фойдаланиш ҳар кимга аён ҳақиқат. Айниқса, интернет тармоғидан фойдаланиш кўлами тобора кенгайиб, компьютер технологияларининг такомиллашиб, инсоният фаолиятининг барча соҳаларига чуқур ва кенг маънода кириб бориши бир томондан одамлар ҳаётига катта ўзгаришлар олиб кирган бўлса, ундан турли мақсадларда фойдаланувчилар сонининг ортиб бориши натижасида ахборот-коммуникация тармоқларида айланаётган ахборот хавфсизлигига таҳдид ҳам кескин ортиб борапти. Маълумотлар базаларидаги ахборотни ўғирлаш, ахборот мазмунини эгасидан износиз ўзгартириш ва бузиб қўйиш, тармоқ ва серверлардан берухсат фойдаланиш, тармоққа тажовуз қилиш, аввал қўлга кири-

тилган узатмаларни қайта узатиш, хизматдан ёки ахборотга дахлдорликдан бўйин товлаш, жўнатмаларни рухсат этилмаган йўллар орқали жўнатиш ҳоллари дунё миқёсида кўпаймоқда. Ахборотга бўлган бундай хавфларнинг тобора ортиб бориши натижасида ахборот алмашинуви жараёнларида ахборотни ҳимоялаш бугунги куннинг энг долзарб масалаларидан бири бўлиб қолди.

Ўзбекистон Республикасининг ахборот хавфсизлиги давлатнинг доимий диққат-эътиборида бўлиб келган. Шунинг учун ахборот хавфсизлиги бўйича юқори малака кадрларни тайёрлаш борасидаги ишларни янада ривожлантириш лозим эди.

Ўзбекистон Республикаси Вазирлар Маҳкамаси Раёсатининг 2016 йил 25 январдаги йиғилиши баёни билан тасдиқланган Вазирлар Маҳкамасининг 2016 йил 1 ярим йиллиги иш режаси 10-бандига мувофиқ белгиланган вазифа ижросини таъминлаш мақсадида, Ахборот технологиялари ва коммуникацияларини ривожлантириш вазирлиги томонидан 2016-2017 ўқув йилидан бошлаб, ТАТУда ахборот хавфсизлиги факултети таш-

кил қилинди. Ушбу факултетни очиш масаласи Ўзбекистон Республикаси Ахборот-коммуникацияси хавфсизлиги масалалари бўйича Техник кенгашнинг мажлисида кўриб чиқилди ва 2016 йил 18 июлдаги 3-сонли тариха 2016-2017 ўқув йилидан бошлаб ТАТУнинг компьютер инжиниринги факултети таркибидаги “Ахборот хавфсизлиги” кафедраси ахборот хавфсизлиги факултетига ўтказилди ва мазкур факултет таркибида “Ахборот хавфсизлигини таъминлаш” ҳамда “Криптология ва дискрет математика” кафедралари ташкил қилинди.

— Айни пайтда факултетда қанча талаба таҳсил оляпти ва уларнинг соҳа корхоналари билан алоқалари қай тариха йўлга қўйилган?

— Ҳозирги кунда факултетга шу соҳанинг жонкуярларидан бири, техника фанлари номзоди, доцент Дурдонахон Иргашева раҳбарлик қилмоқда. Факултет яқинда ташкил этилган бўлишига қарамай, анча ютуқларга эришилди. Факултет таркибидаги кафедраларнинг “UNICON.UZ” ДУК ва Ахборот хавфсизлигини таъминлаш маркази билан ҳамкорлиги мустақам йўлга қўйилган. Бугунги кунда факултетда 500 нафардан зиёд талаба билим олиб, учта мутахассислик бўйича магистрлар тайёрланапти. Уларнинг дипломоли ва магистрлик ишиоли амалиёлари соҳа корхоналарида ташкил этилган. Бу эса ишлаб чиқариш ва таълим тизими интеграциялашувини ривожлантиришдаги асосий йўл ҳисобланади. Шунингдек, бакалавр ва магистрлик диссертация иши ҳимоялари ҳам юқорида номи тилган олинган корхоналарда ташкил этилган кафедра филиалларида бўлиб ўтмоқда.

— Факултет илмий салоҳиятини оширишга ҳисса қўшаётган устоз муаллимлар ҳақида ҳам гапирсангиз.

— Бу борада ҳурматли устозлар — техника фанлари доктори, профессорлар Салим Фаниев ва Мажид Каримовларнинг муносиб ўрни ва улуши бор. Уларнинг илмий раҳбарлигида докторант ва тадқиқотчилар фан доктори илмий даражаларини олиш учун диссертация

ишларини тайёрлашаётир. Факултетнинг иқтидорли талабалари эса кафедраларда олиб борилаётган илмий-тадқиқот ишлари ва лойиҳаларга жалб этилмоқда. Факултет профессор-ўқитувчилари иқтидорли талабалар учун мутахассислик фанларини инглиз тилида олиб боришни ҳам йўлга қўйганлар.

— Юқори самарага эришишда дарсликларнинг аҳамияти катта, албатта. Бу борада аҳвол қандай?

— Битирувчиларнинг билими, малака ва кўникмаларига қўйилган талаблар мамлакатдаги ижтимоий-иқтисодий ўзгаришлар ва ахборот хавфсизлигининг интенсив ривожланишини инобатга олган ҳолда факултет профессор-ўқитувчилари томонидан шу кунгача ўнга яқин ўқув қўлланмалари ва дарсликлар чоп этилган бўлиб, улар “Ахборот хавфсизлиги” йўналишида тайёрланаётган кадрларнинг билим, малака ва кўникмаларини янада мустақамлаш учун хизмат қиляпти.

— Жамоанинг келгуси режалари ҳақида ҳам гапирсангиз.

— Ўзбекистон Республикаси Президентининг 2017 йил 7 февралдаги “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги 4947-фармойишида бешта устувор йўналишдан бири сифатида ахборот хавфсизлигини таъминлаш бўйича ишларни жалаллаштириш кўзда тутилган. Шунинг учун ахборот хавфсизлиги бўйича миллий истиқлол фойсига содиқ, етарли интеллектуал салоҳиятга эга, илм-фаннинг замонавий ютуқлари асосида мустақил фикр ва мушоҳада юрита оладиган шахсларни тарбиялаш ҳамда рақобатбардош, юқори малакали кадрларни тайёрлаш бўйича кенг қўламли ишларни янада ривожлантириш асосий мақсадимиздир. Бу ишларни амалга оширишда жамоамиз аъзоларининг билим ва тажрибаси етарли, деб ўйлайман. Биздан уларни тўлиқ ишга солиш талаб этилади, холос.

— Мазмуни суҳбатингиз учун ташаккур.

Муборак МИРКАМОЛОВА
суҳбатлашди

Ахборотга бўлган хавфларнинг тобора ортиб бориши натижасида ахборот алмашинуви жараёнларида ахборотни ҳимоялаш бугунги куннинг энг долзарб масалаларидан бири бўлиб қолди.

ЧИРОЙ ОЧАР ЮРТИМ ЖАМОЛИ

Мамлакатимизда амалга оширилаётган улкан бунёдкорлик ишлари натижасида аҳоли турмуш тарзи яхшиланиб, чекка қишлоқларда яшовчи юрдошларимизнинг ҳам фаровон ҳаёт кечиришлари учун қўлай шароитлар яратилмоқда. Айниқса, диёримизда "Обод қишлоқ" дастурининг амалга оширилаётганлиги ва бу бордаги ишларнинг жадаллиги билан ҳаётга татбиқ этилаётганлиги аҳамиятлидир.



“Электрон ҳукумат” тизимини ривожлантириш маркази томонидан ўрнатилган инфокиоск, Ucell, UMS, UzMobile, Beeline каби нуфузли компанияларнинг алоқа антенна-мачталари, USB модемлари, бошқа алоқа тизимидаги технологиялар ва қўшимча асбоб-ускуналар билан таъминланган қатор иншоотлар қишлоқ аҳли хизматида.

Жиззах вилоятининг Дўстлик туманидаги Манас қишлоғи бугунга келиб буткул ўзгача қиёфа касб этган. Бутун қишлоқ, ундаги хонадонлардан тортиб корхона ва ташкилотлар, муассасалар, қолаверса, асосий ва ички йўллар ҳам қайтадан бунёд этилаётганлиги, коммунал хизмат турларининг энг замонавий технологиялар асосида ишга туширилаётганлиги нафақат манасликларни, балки барчамизни қувонтиради.

Лойиҳа доирасида республика ташкилотлари томонидан қишлоқ аҳолисининг турмуш даражаси ва ижтимоий муҳитни яхшилашга қаратилган бир қатор ишлар амалга оширилипти. Шу жумладан, Ўзбекистон Республикаси ахборот технологиялари ва коммуникацияларини ривожлантириш вазирлиги Жиззах вилояти ҳудудий бошқармаси томонидан кўрилган тезкор чоралар натижасида "Ucell" ком-

паниясининг мавжуд (2G) база станцияси жорий йилнинг феврал ойида "Манас" ва "Наврўз" қишлоқ фуқаролар йиғинларига модернизация қилинди ҳамда "UMS" ва "Ucell" компанияларининг шу иккала аҳоли масканларида 3G база станциялари ишга туширилди. Натижада аҳолига сифатли интернет ва телефон-алоқа хизматлари кўрсатиш имкони туғилди.

Айни вақтда Манас қишлоғига қўшимча равишда "UzMobile" филиали томонидан янги GSM стандартидаги 3G база станцияси ўрнатилиб, "Ўзбектелеком" акциядорлик компанияси Жиззах филиалининг оптик толали алоқа кабели орқали транспорт тармоғини ташкил этиш ишлари олиб борилмоқда.

Жиззах филиали томонидан қишлоққа энг яқин уланиш

нуқтасидан оптик толали алоқа линиясини ташкил этиш лойиҳаси ишлаб чиқилиб, қишлоқ марказигача 10 километрлик оптик толали алоқа кабели ўтказилди. Бундан ташқари, бир дона 96 портли "MiniMSAN" ўрнатилган.

Манаснинг марказида жойлашган почта бўлими биноси ҳам "Ўзбекистон почтаси" АЖ Жиззах филиали томонидан таъмирланиб, буткул янгича кўриниш ва жозибатга эга бўлди. Бўлимда аҳолига сифатли ва қўлай почта хизматлари кўрсатиш учун барча шароитларни яратиш, янги технология ва асбоб-ускуналар билан таъминланиш даражасини ошириш учун қўшимча чора-тадбирлар кўрилди.

Шунинг билан бирга, ушбу қишлоқ фуқаролар йиғинида инфокиосклар ташкил этилди. Шунингдек, қишлоқдаги мавжуд иккита мактаб ва иккита мактабгача таълим муассасаси FTTb технологияси асосида ZiyoNET тармоғига уланди. Манас аҳлини янада қувонтирган салобатли Маданият саройида ўнта компютер жамланмаси, принтер ва сканерлар жойлашган хоналар аҳоли хизматига шай қилиб қўйилди. Аҳолининг интерактив давлат хизматларидан унумли фойдаланишлари учун қишлоқда ўрнатилган инфокиоск хизмати билан ҳам барча мамнун бўлмоқда.

Давлатимиз раҳбарининг Дўстлик туманига ташрифи доирасида олиб борилаётган ишлар самарадорлигини янада ошириш, барча соҳаларда қилиниши лозим бўлган юмушлар ва йўл қўйилган камчиликлар борасида фикр-мулоҳазалар билдирилди. Шунга кўра,

аҳолини сифатли телекоммуникация хизматлари билан таъминлаш мақсадида барча мобил алоқа компанияларининг сифатли алоқа (3G) камровини ташкил этиш борасида қўшимча чора-тадбирлар режаси ишлаб чиқилиб, амалга татбиқ этиляпти.

Бугунга келиб, "Ўзбектелеком" АК Жиззах филиали томонидан ўрнатилган 96 портли "MSAN" қурилмаси иш фаолияти натижасида ҳудудда истиқомат қилувчи фуқароларга интернет ва IPTV хизматларидан тўлалигича фойдаланиш имконияти яратилди. Мактаблар ва мактабгача таълим муассасаларига оптик толали алоқа линияси тортилиб, яқунловчи қурилмалар (ODF, Switch) ўрнатиш ва сошлаш ишлари амалга оширилди.

"Электрон ҳукумат" тизимини ривожлантириш маркази томонидан ўрнатилган инфокиоск, Ucell, UMS, UzMobile, Beeline каби нуфузли компанияларнинг алоқа антенна-мачталари, USB модемлари, бошқа алоқа тизимидаги технологиялар ва қўшимча асбоб-ускуналар билан таъминланган қатор иншоотлар қишлоқ аҳли хизматида.

Бир сўз билан айтганда, Манасдаги улкан бунёдкорлик ишлари юртимизга янада фаровонлик, янада кўркамлик, файз ва тароват бағишлаб, халқимиз турмуш даражасини яхшилаш, ижтимоий-маданий ҳаётимизни яна ҳам оширишга хизмат қилади.

Норкул МАЪМУР,
"Xabar"нинг Жиззах вилоятидаги мухбири



ТАНЛОВ

ЁШЛАР ИТТИФОҚИ ИСТЕЪДОДЛАРИ

Марғилон шаҳридаги педагогика коллежи ахборот ресурс-маркази ходимлари ўқитувчилар жамоаси билан ҳамкорликда ўқувчиларда китобни ва Ватанни севиш, миллий қадриятларни асраб-авайлаш, қалбдан юксак ва баркамол бўлиб вояга етишишга китобхонлик анъаналарига содиқ қолиш борасида ибратли ишларни амал-

га оширишмоқда. Ҳафтанинг ҳар бешинчи куни "Китоб ва интернет", "Китоб — билим манбаи", "Китоб — ҳақиқий дўст", "Китоб — ҳаётга тайёрлайди" каби мавзуларда қизгин баҳс-мунозаралар ва турли танловлар ўтказилмоқда.

Жумладан, ўтган куни "Ёшлар иттифоқи истеъдодлари" кўрик-танлови ўтказилди. Танлов-

да иқтидорли ўқувчилар ўзлари ёзган шеърларидан ўқиб бердилар, бадий китоблардаги мавзуларни шарҳлаб буш вақтни қандай ўтказишларини саҳна кўришларида намойиш қилдилар. Танловда иштирок этган етти нафар 1-босқич ўқувчиси ўзаро беллашишди. Унда компютер инжиниринги йўналиши бирин-

чи босқич 508-гуруҳ ўқувчиси М.Абдумухторова ғолиб чиқди.

Дарс ва маънавият соатларида ўқувчиларнинг ватанпарварлик туйғусини мустахкам шакллантириш, истеъдодларни аниқлаш, уларни қўллаб-қувватлаш мақсадида кўлаб танловлар ўтказиш анъанага айланган.

Муҳаммаджон МАҲМУДОВ

Е.БИРГЕР: “НОВАЯ ПОЧТА УЗБЕКИСТАНА ВНЕСЁТ УНИКАЛЬНЫЙ ВКЛАД В РАЗВИТИЕ ГОСУДАРСТВА”

4 июня 2018 г. собрание акционеров АО “Ўзбекистон почтаси” утвердило решение о назначении Евгения Владимировича Биргера на должность Генерального директора.

Ранее 24 мая 2018 г. министр по развитию информационных технологий и коммуникаций Республики Узбекистан Азим Ахмеджаев представил Евгения Биргера коллективу АО “Ўзбекистон почтаси”.

Обращаясь к коллективу, министр сообщил: “Биргер Евгений Владимирович — потомственный почтовик, один из самых авторитетных специалистов в отрасли почтовой связи.

Закончил Московский электротехнический институт связи в 1982 г. кандидат экономических наук и действительный государственный советник Российской Федерации III класса.

До 1999 г. работал на руководящих должностях в почтовой индустрии, в т.ч. возглавлял производственное объединение “Посылторг”.

Далее, в течение 5 лет был одним из высших руководителей федеральной почтовой связи в Российской Федерации.

Руководил подготовкой и был автором многих нормативно-правовых актов, в числе которых федеральный закон Российской Федерации “О почтовой связи”, являющийся до сих пор основой почтового законодательства на постсоветском пространстве.

В последние годы осуществлял для органов власти аналитическую и консультационную деятельность, в том числе в области формирования нормативно-правовой базы.

Евгений Владимирович в течение нескольких месяцев помогает нам в качестве консультанта. Он принимает непосредственное участие в разработке проекта постановления Президента, которое должно положить начало серьезным позитивным преобразованиям в почтовой связи.

Этому было посвящено и его выступление на конференции 22 мая. Участникам конференции и гражданам Узбекистана в прямом телеэфире был представлен подход к почтовой связи как к основополагающему институту, обеспечивающему выполнение важнейших государственных задач, которые не под силу никакой иной службе.

Реализация такого подхода

позволит создать мощный мультипликативный эффект во всех областях за счет интеграции новой почты в жизнь общества и государства, и не только многократно увеличить выручку, но и сделать ее существенным донором государственного бюджета.

Концепция содержит абсолютно новаторские подходы, особенно в части превращения почты в цифровую экосистему.

Поскольку планируемые преобразования затронут буквально все сферы жизни, их реализация потребует серьезной работы по изменению широкого спектра законодательства.

Учитывая все это, мы предложили Евгению Владимировичу как автору концепции преобразований самому возглавить этот процесс”.

Завершая свое выступление, министр выразил признательность Президенту Республики за поддержку инициативы о назначении Е.Биргера.

Заместитель министра по развитию информационных технологий и коммуникаций Республики Узбекистан Даврон Исмаилов подчеркнул, что Министерство и национальный оператор должны работать одной командой, что предстоит пройти путь, который другие страны, реформировавшие почтовые службы, проходили 10-15 лет, и выполнить 80% преобразований максимум за 5 лет.

Обращаясь к почтовикам Узбекистана, Е.Биргер сказал: “Принимаю это предложение со смешанными чувствами: с одной стороны, с осознанием глубины кризиса почтовой связи в республике и соответствующего бремени ответственности; с другой — с оптимизмом, вызванным доверием, оказанным на самом высоком уровне, и поддержкой концепции развития почтовой связи, которой я и мои многочисленные коллеги-почтовики посвятили годы жизни.

Прежде всего, необходимо обеспечить правильное позиционирование почты в государстве и обществе. После 1991 г. было утрачено понимание ее институционального предназначения, в результате чего почта оказалась слабо интегрирована в жизнь общества и государ-

ства. Это общая проблема государств на постсоветском пространстве.

Большую роль в этом сыграло и заблуждение о том, что интернет является альтернативой или даже антагонистом почты. На самом деле эти две всемирные коммуникационные сети сегодня вступают в процесс конвергенции и уже в недалеком будущем сольются в единую глобальную мультифункциональную коммуникационную систему. Важно подготовить национальную почту к этим переменам и создать соответствующую информационную инфраструктуру.

Еще одной актуальной задачей является определение организационно-правовой формы национальной почтовой службы. Она выполняет обязательства государства, вытекающие из Всемирной почтовой конвенции, осуществляя универсальное обслуживание с соблюдением нормативов, во всех населенных пунктах, по социально доступным и регулируемым государственным тарифам. Деятельность на таких условиях ни при каких обстоятельствах не может являться коммерческой. Поэтому форма акционерного общества для почтовой службы не является оптимальной. В принципе, это справедливо для любой страны. Даже в тех западных странах, где на волне ожиданий от коммерциализации почта была акционирована, сегодня обсуждаются острые вопросы выживания. Но в благополучных странах, где правовая и экономическая системы формируют поток в сотни отправок на душу населения в год, положение почты еще относительно стабильное. А в странах, например, постсоветского пространства, где такой поток составляет от единиц до трех десятков отправок на душу населения, финансовое состояние почты не позволяет ей выполнять свои обязательства в полной мере.

Несмотря на то, что национальный оператор не является субъектом законодательной инициативы, нам предстоит принять участие в колоссальной работе в части формирования нового законодательства и не только о почтовой связи, но и о телекоммуникациях, электрон-

ном документообороте, государственно-частном партнерстве и целого ряда иных законов.

Старт этому процессу должно дать упомянутое министром постановление Президента, над которым мы последнее время напряженно работаем. Это постановление предусматривает и срочные антикризисные меры, в том числе по улучшению положения работников почты.

Создание достойных условий труда для почтовиков является одной из первоочередных задач. Без достижения уровня конкурентной зарплаты даже самые грандиозные планы выполнять будет не с кем. Очень важно, что еще не утрачены почтовые традиции, и что почта Узбекистана никогда не избавлялась от своих профессионалов, чего не удалось избежать многим странам бывшего СССР.

Почтовики всегда были особой корпоративной общностью. Это трудно объяснить представителям других профессий, но раньше мы могли сказать, что люди на почте не просто работают, они живут ею. Рассчитываю на вашу поддержку, чтобы вместе воссоздать уважение к почтовой профессии и поднять социальный статус почтового служащего.

Предстоит большая работа, и легких решений нет. Но и результат будет соответствующий: государство и общество обретут важнейший административно-правовой, социально-политический и экономический ресурс, которым они сегодня не только не пользуются, но даже не подозревают о его существовании.

Сегодня в республике для достижения этого результата существуют благоприятные условия: нацеленность руководства на прорывное развитие, активное и неравнодушное население, министр, который уделяет почте даже больше внимания, чем другим вверенным ему предприятиям.

Я знаю, что нужно делать, и не без оснований надеюсь, что новая почта Узбекистана будет не просто успешной инфраструктурой, а внесет свой уникальный вклад в институциональное развитие государства”.



Концепция содержит абсолютно новаторские подходы, особенно в части превращения почты в цифровую экосистему.

МЕҲРИБОНЛИК УЙИГА СОВҒА



Ўзбекистон ахборот технологиялари ва оммавий коммуникация ходимлари касаба уюшмаси Республика кенгаши раиси ўринбосари А.Аҳмедов ҳамда Ёшлар масалалари бўйича раис маслаҳатчиси М.Ҳайдаровлар Халқаро болаларни ҳимоя қилиш кўни муносабати билан Тошкент вилоятининг Бўқа туманида жойлашган 15-Меҳрибонлик уйига ташриф буюришти.

Меҳрибонлик уйида ташкил этилган тантанали тадбирда А.Аҳмедов болажонларни байрам билан табриклаб, уларга самимий тилакларини изҳор қилди. Кенгаш номидан Меҳрибонлик уйи кутубхонасига болалар учун энг қадрли совға — қарийб икки

миллионлик турли бадий китоблар ҳамда канцелярия молларини тақдим этди.

— Совгаларимизни топширар эканмиз, беғубор ўғил-қизлар кўзидаги қувончни кўриб, қалбимиз яшнаб кетди, — дейди М.Ҳайдаров. — Болажонларга, аynиқса, бу каби Меҳрибонлик уйлари тарбияланувчиларига қанча меҳр кўрсатсак, шунча оз. Ёшларни маънавий-ахлоқий тарбиялашда, уларни турли мафкуравий хуружлардан ҳимоя қилишда ҳамда миллий қадриятларни улар онгига сингдиришда касаба уюшмалари ҳаракатлари доимий бўлади.

Усмонжон ЙЎЛДОШЕВ,
"Xabar" мухбири



ҲАРБИЙЛАР ФАРЗАНДЛАРИ УЧУН ОЧИҚ ЭШИКЛАР КУНИ

Махсус авария-тиклаш бошқармаси (15361-ҳарбий қисм)да 1 июн — Халқаро болаларни ҳимоя қилиш кўни муносабати билан бошқарма ҳарбий таркиби ва ишчи-хизматчилари фарзандлари учун очик эшиклар кўни ўтказилиб, китоб ярмаркаси ташкил этилди.

Ҳарбийлар тадбирга алоҳида тайёргарлик кўришти. Бошқарма ҳудудида ўрнатилган батутда болажонлар мазза қилиб яйрашди, эртақ қаҳрамонларнинг чиқишлари эса уларга янада катта қувонч бағишлади. Шунингдек, болажонлар саф майдонида ҳарбий хизматчиларнинг кўргазмали чиқишлари ва ҳарбий алоқа-автомобил техникалари кўргазмасини ҳайрат билан томоша қилишди.

Шундан сўнг болажонларни соғлом ва мард бўлишга йўналтириш, улар қалбида Ватанга содиқлик туйғуларини шакллантиришга қаратилган "Жалолиддин баҳодирлари" спорт ўйинлари ташкил этилди. Унда кўргазмали чиқишлар, тирдан отиш бўйича машғулотлар ўтказилди. Тадбир сўнггида фаоллар залида мусобақа ғолибларини тақдирлаш маросими ва бошқарманинг "Импулс" ҳарбий ансамбли ижросида концерт ташкил этилди.

Бу каби тадбирлар бошқарма ҳарбийлари ва ишчи-хизматчилари фарзандларининг маънавий эҳтиёжларини таъминлаб, уларнинг завқ-шавққа тўла болалигининг бир кўни янада мазмунли ўтишига хизмат қилади.

Ўз мухбиримиз



Сержант Суинат НАЖИМОВ олган сурат.

БОЛАНИНГ БЕГОНАСИ БЎЛМАЙДИ

Уч йилдирки, Аҳмад Фарғоний номидаги вилоят ахборот-кутубхона маркази билан "Ўзбектелеком" АК ҳамда "Ўзбекистон почтаси" АЖ филиаллари маънавий-маърифий ишларда ўзаро ҳамкорликда фаолият олиб борилаётгани ёшлар маънавиятини юксалтиришга хизмат қилмоқда.

1 июн — Халқаро болаларни ҳимоя қилиш кўнига атаб вилоят АКМда Фарғона шаҳар ички ишлар бўлими воёга етмаганлар ва ёшлар ўртасида ҳуқуқбузарликларнинг олдини олиш бўлини маси бошлиғи Эркинжон Нишонов билан бўлган учрашув ҳам ана шу мақсадда ташкил этилди. Зотан, ёшлар ҳаётида ҳуқуқий тарбия гоят долзарб масала бўлиб турибди. Таассуфларким, баъзи ёшлар ўз ҳуқуқ ва бурчлари ҳақида тушунчага эга эмас. Айнан шунинг учун ҳам

жиноят кўчасига кириб қолаётган, билим олиш, имкониятлари иқтидорини кашф этиб, ривожлантириши зарур бўлган олтин даврини панжара ортида ўтказаятган болалар борлиги аччиқ ҳақиқат.

— Бу йил ўтган беш ой мобайнида воёга етмаганлар ўртасида энг оғир жиноятни шаҳардаги 6-мактаб ўқувчиси 16 ёшли Н.Н. содир этди, — деди Э.Нишонов. — У тунги соат 2.30да таксичига фалон жойга олиб бориб қўйинг, дея орқа ўриндикда ўтирган. Қоронғу кўчага етгач, ўткир тигли темир билан ҳайдовчининг бўйнига бир неча марта урган. Таксичи бир амаллаб эшикни очиб, ўзини ерга ташлаган. У ҳозир шифохонада реанимация бўлимида ётибди. Қўлга олинган ўсмир саволларга "Кўпдан шу ишни қилишни ўйлаб юрардим. Ва ниҳоят шу режамни амалга оширдим. Мен-

да ҳам машина, менда ҳам планшет бўлишини орзу қилардим" деб жавоб қайтарган. Отаси йўқ, онаси билан шаҳарда ижарада яшаб келаётган боланинг тарбия кўрмаганлиги саволларга жавобларидан ҳам очик кўриниб турибди. Онасининг ўзи тарбияга муҳтож бўлгач, нима учун маҳалла-қўй, мактаб психологи, раҳбарияти хушёрлик қилмади? Бундай "Нима учун?" деган саволлар кўп. Кимдандир эътибор, бир ақлли сўз, насиҳат эшитганда эди, бола бу даражада тубанлик ботқонига ботиб кетмасди. Азизлар маҳалладаги болаларга, кўчадаги болаларга ҳаммамиз масъулмиз. Унинг хатти-ҳаракатларини кўриб-кўрмасликка олиб ўтиб кетишга виждонсизлик, жиноят, деб қарайлик. Зотан, у бир жиноят содир этиб қўйса, зарари ҳаммага баравар тегиши мумкин, бугун бўлмаса, эртага жабр

кўриб қолишимиз ҳеч гап эмас.

Тадбир иштирокчиларда катта таассурот қолдирди. Жумладан, почта ходими, ҳамшира Канизахон Исмоилова ўз таассуротини шундай баён этди:

— Мен ўтган йилги "Жиноятчи бўлиб туғилмайдилар" маънавий-маърифий тадбирида ҳам иштирок этган эдим. Унда 2017 йилнинг тўрт ойи таҳлили ва хулосаси билан таништирилиб, асосан, фарзандлари жиноят содир этган кимсалар ота-оналик бурчини ҳис этиш нари турсин, бу ҳақда бирон марта бош қотириб кўрмаганлари таъкидланган эди. Чиндан ҳам соғлом оилادا камолга етган бола ҳуқуқбузарлик қилмайди, оиласи, қариндош-уруғлари шаънини пок сақлайди.

Ҳафиза САЛЯҲОВА,
"Xabar"нинг Фарғона вилоятидаги мухбири

РАҚАМЛИ ТЕЛЕВИДЕНИЕ: РИВОЖЛАНИШДА ЯНГИ БОСҚИЧ

◀ 1-бет.

Ўзбекистонда рақамли телевиденини жорий этиш босқичлари


Ўзбекистон МДХ мамлакатлари орасида биринчилардан бўлиб, 2007 йилдан рақамли телевиденига ўтишни бошлади. Тошкент ва Бухорода ер усти рақамли телевидение тажриба зонасининг ташкил этилиши янги турдаги телекўрсатувларга босқичма-босқич ўтишни бошлаб берди.

2008 йилнинг сентябрида “РТТМ” ДУКда Тошкент ва Бухоро шаҳарларида рақамли телевидение ускуналарини синовдан ўтказиш ишлари ташкиллаштирилди. 2009 йил октябр ойдан бошлаб, Тошкент ва Бухоро шаҳарларида “Ўзбекистон”, “Ёшлар”, “Тошкент”, “Спорт” каби тўртта давлат дастурларидан жамланган дастурий пакет трансляцияси бўйича аҳолига рақамли телевидение хизматлари кўрсатилди. 2010 йил 16 июнда Тошкент шаҳрида DVB-T стандартидаги рақамли телевидение орқали трансляция қилинадиган теледастурлар сони 25та бўлган бўлса, 2010 йил 18 декабрда бу кўрсаткич 36тага кўпайди. 2010 йил сентябрдан бошлаб Самарқанд шаҳрида ҳам рақамли телевидение ускуналарини синовдан ўтказиш ишлари ташкиллаштирилди.

2011 йил март-апрел ойларида Урганч ва Нукус шаҳарларидаги радиотелевизион станцияларда мутахассисларимиз томонидан Германиянинг Rohde & Schwarz компаниясида ишлаб чиқарилган рақамли телеузаттич комплекси ўрнатилди.

2011 йил июль-август ойларида Андижон ва Одамтош РТСларида “Inverson Technologies SA” компанияси билан тузилган шартнома бўйича “NEC” (Япония) компаниясининг иккита янги рақамли телеузаттичлари олиб келинди ва ўрнатилди.

2011 йил 29 ноябр кuni Ўзбекистон Республикаси Конституциясининг 19 йиллиги байрами арафасида тантанали равишда МДХ давлатлари ичидан биринчи бўлиб HD форматдаги (юқори сифатли телевидение)



Суратда: “Чорвоқ” РТС ходимлари Шодиёр Раимназаров (chapла) ҳамда Усен Умаровлар ҳамisha хушёр.

“UzHD” телеканали эфирга узатила бошланди.

Рақамли телевидениега босқичма-босқич ўтиш жараёнида республикада рақамли телевидение тармоғини ривожлантириш учун Япония халқаро ҳамкорлик банки ва Япониянинг бошқа тижорат банклари томонидан умумий қиймати 92 млн. АҚШ доллари миқдорига имтиёзли кредитлар ажратилди.

2014 йилнинг 27 сентябрида “Uzimpeksaloqa” МЧЖ ва Япониянинг “Ogawa Seiki Co Ltd” компанияси ўртасида рақамли қурилмаларни келтириш бўйича импорт шартномаси имзоланди.

Шартнома асосида NEC ва Rohde & Schwarz компанияларида ишлаб чиқарилган 90га яқин юқори қувватли ва 400га яқин кам қувватли рақамли телеузаттичлар ҳамда рақамли теледастурларни сунъий йўлдош алоқа тармоғига узатиб-қабул қилиш станцияси қурилмалари комплекслари келтирилди.

Вазифаларни амалга ошириш жараёни

2016 йил мамлакатимиз мустақиллигининг 25 йиллик байрами арафасида жами 13та DVB-T2 стандартдаги рақамли телеузаттичлар тест тартибиде ишга туширилди ҳамда очиқ тўплам таркибиде давлат теле-радиодастурларини эфирга узатиш таъминланди.

тиш таъминланди.

2016 йил ноябр-декабр ойларида DVB-T2 стандартидаги рақамли узаттичлар орқали очиқ тўплам таркибиде давлат телерадиодастурларининг узатилиши йўлга қўйилди ва бунинг натижасида республика аҳолисини рақамли телевидение дастурлари билан таъминлаш қамрови 88 фоизга, 2017 йилнинг биринчи чорағида эса 95 фоизга етказилди.

Рақамли телевидениега ўтишининг иккинчи босқичида Тошкент телеминорасида сунъий йўлдош алоқа тармоғига рақамли теледастурларини узатиш ва қабул қилиш қурилмалари комплекси ўрнатиб, мамлакатимиз мустақиллигининг 26 йиллиги байрами арафасида ишга туширилди. Инвестиция лойиҳалари асосида олиб борилган ишлар натижасида, республиканинг барча аҳоли яшаш масканларига 86 комплект юқори қувватли, 348 комплект кам қувватли рақамли телеузаттичлар ўрнатиб, ишга туширилди ҳамда 2017 йил якунига келиб, аҳолининг рақамли теледастурлар билан таъминланиш қамрови 100 фоизга етказилди. Бугунги кунда, ҳатто энг чекка қишлоқларда ҳам рақамли телевидение сигналлари мавжуд.

Бир мақсад йўлида

Республикада рақамли телевиденини жорий этиш ишларида “РТТМ” ДУК раҳбарияти ташаббуси, тавсиялари асосида корхонанинг барча ходимлари биргалликда бир ёқдан бош чиқарган ҳолда ҳаракат қилишди. Айниқса, техник эксплуатация ва қўллаб-қувватлаш, моддий-техник таъминот, инвестиция лойиҳалари ва капитал қурилиш, рақамли телевидение тармоқларини бошқариш, жисмоний ва юридик шахсларнинг мурожаатлари билан ишлаш каби хизматлар, техник ишлаб чиқариш лабораторияси, бухгалтерия бўлими ҳамда ҳудудий радиотелеузатиш марказлари мутахассисларининг хизматлари салмоқлидир.

Инвестиция лойиҳалари асосида келтирилган замонавий қурилма ва ускуналар ишга ту-

ширилгандан сўнг, уларга хизмат кўрсатиш, эксплуатациясини таъминлаш учун лойиҳа доирасида корхона мутахассислари хорижий компанияларда ўқитилди, қурилмалар ишлаб чиқарилган заводларда малака оширишди, қурилмаларни завод синовларидан ўтказиш жараёнларида иштирок этишди.

Шунингдек, жойларда техник қурилмаларга хизмат кўрсатувчи ходимларни янги рақамли тизим бўйича ўқитиш мақсадида корхона қошида Ўқув маркази ҳамда ўқув курелари ташкил этилиб, мутахассисларнинг билим-кўникмалари мунтазам ошириб борилаётган.

Сигнал транспорт телекоммуникация тармоқлари орқали узатилади ва уларга зарар етган ҳолларда, захира линиялари, албатта, ишга тушади. Яъни, юқори қувватли рақамли телеузаттичлар ноқулай об-ҳаво шароитида ҳам ишлашда давом этади. Агар тўсатдан электр энергияси тармоқдан узилса, дизел генераторлар автоматик равишда ишга тушади.

“Радиоалоқа, радиоэшиттириш ва телевидение маркази” давлат унитар корхонаси Тошкент шаҳри, республикамиз вилоятлари ва Қорақалпоғистон республикасида жойлашган 9та ҳудудий филиал – радиотелевизион узатиш марказларини ўз ичига олган. Корхонамизда бугунги кунда 1100 нафардан ортиқ ходим фаолият юритяпти.

“РТТМ” ДУК раҳбарияти ташаббуси билан корхонада ISO 9001:2015 халқаро сифат бошқаруви тамойилларини жорий этиш ишлари олиб борилди ҳамда сертифициқатлаштирилди. Сифат менежменти тизимининг жорий этилиши кўрсатилаётган хизматлар халқаро сифат талаблари ва халқаро стандартларга жавоб бериши, уларнинг хизматлар бозорига муносиб ўринини эгаллашида муҳим рол ўйнаб, келгусида кўрсатилаётган хизматлар сифати учун кафолат бўлиб хизмат қилапти.

Маҳмуд ТУРҒУНОВ,
корхона техник директори

2018 йилнинг ҳозирги даври билан 2017 йилнинг шу даври солиштирилганда, ходимлар иш ҳақи умумий ҳисобда қарийб 72 фоизга ошди.]

2018 йил “РТТМ” ДУК моддий-техник базасини мустаҳкамлаш мақсадида янги русумдаги автотранспорт воситалари харид қилиниб, ҳудудий радиотелеузатиш марказларига топширилди.



ТОҒЛАР БАҒРИДАН ТЎЛҚИНЛАР УЗАТИБ...



Суратда: "Чорвоқ" РТС етакчи муҳандиси Болисбек Шақатаев иш устида.

Бугунги репортажимиз Тошкент вилоятининг Бўстонлик тумани тоғ чўққисида жойлашган "Чорвоқ" радиотелевидение узатиш станциясининг касбига фидойи алоқачилари ҳақида

Телевизор ҳаётимизнинг бир бўлагига айланиб қолган. Ишдан келишимиз билан унинг мурватини бураймиз ва истаган каналимизда ўзимизга ёққан кўрсатувларни томоша қиламиз. Телевизорни томоша қиламиз уни бизга сифатли узатиш учун бор билим ва иқтидорини ишга солиб меҳнат қилаётган кишилар ҳақида ўйлаб ҳам кўрмаймиз. Ваҳоланки, уларнинг синчковлиги ва ҳамиша хушёрлиги, фидойилиги сабаб бизга республикамиз ва дунё янгиликларидан хабардор бўлиш, турли кўнгилочар кўрсатувларни томоша қилишдек ажойиб имконият яратилапти.

Бугунги репортажимиз Тошкент вилоятининг Бўстонлик тумани тоғ чўққисида жойлашган "Чорвоқ" радиотелевидение узатиш станциясининг касбига фидойи алоқачилари ҳақида. ..."Тошкент" радиотелеузатиш маркази директорининг биринчи ўринбосари Азиз Абдуқодиров ҳамроҳлигида "Чорвоқ" РТС жой-

лашган Бўстонлик туманига қараб йўл олдик. Машинамиз шамолдай елиб борар, пойтахтимизда амалга оширилаётган бунёдкорлик ишлари, кўчаларни тўлдириб ҳаракатланаётган ўзимизда ишлаб чиқарилган машиналар, йўл четига экилган анвойи гуллар кўнгилочарга сурур бағишлайди. Тошкентга бундан 3-4 йил олдин келган киши ўзгаришлар кўпчилигидан борар манзилини топа олмаслиги аниқ.

Машинамиз Бўстонлик туманига яқинлашгач, беғубор тоғ ҳавоси юзларимизга урилиб, нафас олиш енгиллашгандай бўлди. Гуё. Атроф ям-яшил, онда-сонда қизғалдоқлар шамолда майин тебраниб, кўзларни қувнатади. Турли дала гуллари чаман бўлиб очилган.

Ҳазалкентдан Қоранкул қиш-

лоғи томон бурилдик, сўнгра Чорвоқ қишлоғи бошланди. Йўлимиз борган сари юқориларди.

— Радиостанциямиз Чорвоқ ҳамда Сижжак қишлоқлари оралиғидаги ҳудудда — тоғ чўққисида жойлашган, — дейди Азиз Абдуқодиров. — Яна озгина юрсак, етиб борамиз.

Машинанинг юқорига юриши бироз қийинлашди ва беш дақиқа ўтар-ўтмас биз йўлдан чапга бурилдик. Кўркем бино ҳовлисидаги қуюқ дарахтлар ичида 35 метрли мачта кўкка буй чўзиб турар, бино ичидаги кабеллар унга уланиб, уларни муҳофазалаш чораси ҳам кўрилган, ҳовлида ёнғиннинг олдини олиш мақсадида тайёрланган сув тўла ҳовуз. Ҳовлининг бўш жойларига гулу районлар экилибди.

Бизни радиотелеузатиш станцияси етакчи муҳандиси Болисбек Шақатаев кутиб олиб, ичкарига бошлади. Кираверишда бир неча жуфт пойабзалга кўзимиз тушди. Қалин полос тўшалган озода коридорда биз ҳам оёқ кийимларимизни қолдирдик. Болисбек бизга хоналарни кўрсата озода коридордан ўнг томонда ходимлар учун ётоқ хонаси, ошхона, ювиниш хонаси жойлашган экан. Туғрида оператор иш жойи. Кираверишда ўнг томонда кенг экранли телевизорлар, бурчакдаги махсус тайёрланган мосламада хона гуллари барқ уриб ўсяпти. Электромеханиклардан Мухан Нодирбеков, Усен Умаров ҳамда электромонтёр Шодиёр Раимназаровлар синчковлик билан экранларни кузатишяпти. Мақсад тасвирда тиниқликка эришиш. Рақамли телевидениенинг биринчи талаби ҳам шу, аслида.

— Бу хонада апаратураларимиз жойлашган, — деди Болисбек бизни ичкаридаги хонага бошлаб, мана бу "Rohde&Schwarz 48k" апарати. Бу орқали рақамли телевидение тўлқинлари, "NEC 47k" деб номланувчи мана бу апарат орқали эса давлат телеканаллари тўлқинлари тарқалади. Станциямиз ўтган асрнинг 70-йилларида қурилган бўлиб, бу замонавий жиҳозлар 2016 йили ўрнатилди. Бу ердаги РТСдан ташқари Пском, Такаёнғоқ, Тепар, Курдуптор, Палванак, Сижжак, Баладала, Янгиқўрғон, Чимён, Хумсон, Оқтош, Шахшам, Қорамозор қишлоқларида камқуватли станцияларимиз ҳам бор. Бу станцияларнинг ҳар бирида кузатувчи ходимларимиз меҳнат қилишади. Мабодо, бирор камчилик бўлса, бориб созлаб берамиз.

РТСимизда олти нафар алоқа ходими икки гуруҳга бўлинган ҳолда, ҳар бир гуруҳ ҳафта давомида шу ерда навбатчилик қилишади. Кейинги ҳафтада Ҳайитбой Пирманов, Абдумажид Эргашев, Тўлқин Калмуротовлар келишади. Кўриб турганингиздай ходимларнинг унумли меҳнат қилишлари учун ҳамма шароит яратилган. Биз рақамли телерадиоканалларни юқори тиниқликда узатаётганимиздан, шу орқали элга маърифат тарқатишдек эзу ишга оз бўлса-да, ҳиссамиз қўшилаётганидан бахтиёримиз.

Биз тоғлар бағрида яшаб, меҳнат қилиб, эл хизматига камарбаста бўлаётган бу самимий, меҳнатсевар алоқачиларга мустаҳкам соғлиқ, ишларида ютуқлар тилаб, хайрлашдик.

Муборак МИРКАМОЛОВА,
"Xabar" мухбири



Суратда: навбатчи электромеханик Мухан Назарбеков.

Ўзбекистон телекоммуникация тармоғининг жадал суръатлар билан ўсиб бориши мазкур бозорнинг катта ҳажмда эканлигидан далолат беради. Сўнгги бир неча йилларда Ўзбекистонда телекоммуникация хизматларини тақдим этиш соҳасида вазият асосан ижобий томонга ўзгариб бораётган: оптик толалар тармоқ доирасини кенгайтириши давом эттириши билан бир қаторда, ҳар бир ҳудуддаги маҳаллий алоқа операторлари сонининг жуда тез ортиши учун қулай шарт-шароит яратилмоқда.

"ЎЗБЕКТЕЛЕКОМ" АК:

ИНВЕСТИЦИОН ФАОЛИЯТ ВА РИВОЖЛАНИШНИНГ АСОСИЙ ЙўНАЛИШЛАРИ

Замонавий ахборот технологияларини амалиётга татбиқ қилишнинг иқтисодий томонларига эътибор қаратадиган бўлсак, бошқаруving барча поғоналарида қабул қилинадиган қарорлар самардорлигини ошириш миллий иқтисодиётни ривожлантиришнинг асосий кўрсаткичларини нафақат ўсишини таъминлайди, балки аҳоли турмуш даражасини ошириш, янги иш ўринларини яратиш, ишлаб чиқаришни ривожлантиришга йўнатилган фундаментал ва ама-

лий фондларга янги илмий ютуқларни қўллашни назарда tutади.

"Ўзбектелеком" АК телекоммуникация хизматларини кўрсатувчи энг йирик оператор бўлиб, бутунги кунда республикада ўзининг замонавий технологиялари асосида барпо этилган телекоммуникация тармоғидан фойдаланиш орқали турғун ва мобил, халқаро ва шаҳарлараро алоқа, операторлар ҳамда интернет провайдерлари учун каналларни ижарага бериш, барча турдаги товушли алоқа ва маълумотлар узатиш, интернет, видеоконференцалоқа, CDMA стандарти асосидаги мобил алоқа каби хизматларни кўрсатиб келяпти. Шунингдек, компания сўнгги йилларда мунтазам равишда телефон станциялари ва алоқа магистрал линиялари асосий қисмини модернизациялаштириб, ўз тармоғи технологик имкониятларини жиддий мустаҳкамлаб, овозли ва пакетли коммутация халқаро боғламаларини модернизациялаштириш ва имкониятларини кенгайтириш ишларини амалга оширмоқда.

"Ўзбектелеком" АК алоқа операторлари тармоқларига тўридан-тўғри халқаро чиқишларга эга бўлиб, чет эл операторларига трафик транзити буйича халқаро операторлар ва компаниялар билан ўзаро ҳамкорлик қилади, деярли инсталган сигимда халқаро рақамли каналларни ижарага беради. Компания 17та давлатнинг 25дан ортиқ операторлари билан халқаро телефон каналларини ташкиллаштирган, халқаро операторлар билан телефон трафик алмашуви тўғрисида Халқаро коммутация маркази (ХКМ), Ўзбекистон Республикасида фаолият кўрсатаётган интернет провайдерларга халқаро интернет тармоғига улааниш хизматлари Халқаро пакетли коммутация маркази (ХПКМ) орқали амалга оширилмоқда.

Бутунги кунда компаниянинг асосий мақсади мижозлар (юридик ва жисмоний шахслар, давлат бошқарув органлари ва бошқалар)нинг телекоммуникация хизматларига бўлган талабларини тўла қондириш, компания рақобатбардошлигини ошириш мақсадида телекоммуникация тармоқларини барқарор ривожлантириш, модернизациялаш ва ривожлантириш учун илгор технологияларни жалб қилиш, янги хизмат турларини жорий этиш ва шу орқали даромадларни кўпайтириш ва соф фойдани максималлаштириш ҳисобланади.

Компаниянинг сўнгги йиллардаги молиявий ҳисобот кўрсаткичлари таҳлил қилинганда, унинг даромадлари ортиб бораётганлигини кўришимиз мумкин. Шунингдек, компания



харажатлари ҳам мутаносиб равишда ошиб бормоқда. "Ўзбектелеком" АКнинг даромадлари, харажатлари ва бунинг натижасида олинган соф фойдасини 1-расм орқали ҳам кўришимиз мумкин.

Юқоридаги маълумотлардан кўришимиз мумкинки, "Ўзбектелеком" АКнинг даромадлари 2016 йилда 1022,0 млрд. сўмни ташкил этиб, 2015 йилга нисбатан 15,4 фоизга, 2010 йилга нисбатан эса уч баробар ошган, харажатлари эса 2016 йилда 944,5 млрд. сўм бўлиб, олдинги йилга нисбатан 12 фоизга ортган.

Компания даромадларининг асосий қисмини халқаро алоқалар экспорти, маҳаллий телефон алоқаси, маълумот узатиш, халқаро ва шаҳарлараро сўзлашувлар, мобил алоқа, интернет хизматлари ва бошқалар ташкил этади. Харажатларининг асосий ва катта қисми ишлаб чиқариш харажатлари ҳисобланади, шунингдек, иш ҳақи ва унга тенглаштирилган солиқларга, импорт хизматлари учун тўловлар, ўрнатилган асбоб-ускуналарнинг эскириши ҳисобига, молиявий фаолият харажатлари, ҳомийлик ёрдамлари ва бошқа харажатларга бўлинади.

Мижозларнинг телекоммуникация хизматларига бўлган талабларини тўла қондириш, компания рақобатбардошлигини ошириш мақсадида телекоммуникация тармоқларини барқарор ривожлантириш, модернизациялаш ва ривожлантириш учун илгор технологияларни жалб қилиш, янги хизмат турларини жорий этиш борасида қатор чора-тадбирлар амалга оширилган.

"Ўзбектелеком" АК инвестиция фаолияти тенденцияси ўзгаришга эришди. Инвестицияларнинг режалаштирилиши ва ўзлаштирилиши Ўзбекистон Республикаси Президентини, ҳукумати, Ахборот технологиялари ва коммуникацияларини ривожлантириш вазирлиги томонидан компания олдига қўйилувчи вазифа ва топшириқлар, шунингдек, компаниянинг ўз иш режаларига боғлиқ тарзда йил сайин ўзгариб туради. Компаниянинг сўнгги йилларда ўзлаштирган капитал маблағлари миқдори 2-

расмда келтирилган.


"Ўзбектелеком" АКда интернет ва маълумотларни узатиш тармоғидан фойдаланиш учун компания филиаллари томонидан xDSL ва RadioEthernet технологияларини қўллаган ҳолда ажратилган линия ва Dual-UP орқали улааниш амалга ошириб боришмоқда. Компания маълумотни узатиш тармоғи хизматлари туркумидан интернет тармоғидан фойдаланиш, электрон почта, VPN, видеоконференцалоқа, корпоратив тармоқларни ишлаб чиқиш ва қуриш каби хизматлар ўрин олган.

Халқаро товушли алоқа VoIP шлюзи орқали олдиндан тўланадиган карточкалар ёрдамида ҳам халқаро телефон алоқаси ва интернет хизматлари тақдим этилмоқда. Компания иккита халқаро коммутация маркази орқали анъанавий алоқа соҳасидаги 20дан ортиқ халқаро операторлар билан ҳамкорлик ришталарини йўлга қўйган ва улар орқали халқаро алоқа хизматларини кўрсатиб келади.


2016 йилда провайдерларга қулайлик яратиш мақсадида тарифлар 12 марта туширилган ва 2017 йилнинг мартига келиб, 76,61 АҚШ долларигача пасайтирилган. Бироқ мазкур масала буйича тариф режалари АҚШ долларини миқдорига боғланган айрим интернет провайдерларни оқлаб бўлмади. 2012 йилдан бери салкам интернет 6,6 баробар арзонлашган бўлса ҳам чакана интернет нархларини арзонлаштирмаган провайдерлар ҳам бор. Бу провайдерлар вақти келиб нарх ва рақобат таъсирида ўз ўрнини бошқаларга бўша-тиб беришга мажбур бўладилар.

Юқоридаги маълумотлар таҳлили натижасида хулоса қилишимиз мумкинки, "Ўзбектелеком" АК миллий алоқа оператори молиявий фаолият натижаларининг йил сайин яхшиланиб борилаётгани компанияда сўнгги йилларда олиб борилаётган тўғри инвестицион фаолиятдан далолат беради.

Иззатбек НУРДИНОВ,
Ўзбекистон Республикаси
Банк-молия академияси
тигловчиси



1-расм. Компаниянинг асосий молиявий кўрсаткичлари динамикаси (млрд. сўм).



2-расм. Компаниянинг сўнгги йиллар давомида ўзлаштирган капитал маблағлари миқдори (млрд. сўм).



КОМПЮТЕР ВА ИНТЕРНЕТ САБОҚЛАРИ



Мавзу доирасида

Пароллар, қизиқиш ва ҳис-туйғу

"Фойдаланувчи жуذا кўплаб тизимларга кириш учун кўплаб бир-бирига ўхшамаган паролларни эслаб қолиши қийин масала. Турган гапки, кўплар битта паролни ёки уни сал ўзгартириб кўп тизимлар учун ишлатавереди — бу жуذا хавфли. Бунақада фирибгарлар тузоғига тушиш ёки маълумотларни ўғирлатиш ҳеч гап эмас. Бунинг нималигини кибержурналист шохсан сиз билан қизиқиб қолганида тушунасиз".

Ган ВАНГ,
Виржиния технология университети доктори

■ Паролдаги символлар сони 8тадан 12тагача бўлиши керак. Парол қанча узун бўлса, уни бузиш шунчалик қийин. Паролдаги символларнинг камида иккитаси рақам бўлиши шарт.

■ Символларнинг тури ва комбинациялари кўп бўлгани яхши: кичик ва катта ҳарфлар, тиниш белгилари — паролнинг ишончилигига хизмат қилади.

■ Паролдаги ахборот сизга бевосита ва билвосита дахлдор бўлмасин: касбингиз, сеvimли спорт турингиз ва футбол жамоангиз, кўшиқчиларнинг номлари паролларда аксини топмасин.

Яхши паролга мисоллар:

■ bKriH)23bmWx

■ j7NTt93BmDel4.

Ишончли паролларни тузиш учун махсус генератор-сайтлар мавжуд. Шулардан бири, мисол учун, onlinepasswordgenerator.ru.

17-ДАРС. Ахборот хавфсизлиги. Пароллар.


Маълумотларни ҳимоя қилишнинг муҳим шартларидан бири электрон почта, ижтимоий тармоқлардаги аккаунтлар, дастурлар ва сервислар учун ишончли парол яратишдир.

Парол қандай бўлмаслиги керак?

Кўплар ҳарфларни рақамларга алмаштириш, кириллчадаги сузаларни лотинча ёзув остида яшириш билан ишончли парол яратаман, деб хато ўйлашади. Паролларда ўз исм-фамилиянгиз, қариндошларингизнинг номларини, уй ҳайвонларингиз лақабларини, телефон рақамингизни, манзилингиз, туғилган кунингиз санасини ишлатман!

Парол қандай бўлиши керак?

Паролнинг бузилмаслиги учун уни яратишда қуйидаги қоидаларга риоя қилинг:



(Давоми бор.)

Сабоқларимизни кузатиб боринг. Кейинги дарс — электрон почтадан фойдаланиш ҳақида бўлади.

МАСЛАХАТ

Нега Telegram WhatsAppдан афзал – 8та сабаб

Мессенжерларнинг энг зўри қайси дейилса, ўйлаб ҳам ўтирмай WhatsApp тилга олинад, аниқроғи, шу мессенжер оммалашган 128 мамлакатда. Уч-тўртта юрда эса Telegramдан бошқасини билишмайди. Буни қарангки, биз ҳам ана шу "уч-тўртталик" дамиз. Ким билсин, балки бир пайтлар "ҳайдалиш" куйи чалинмаганида биз ҳам "вотсаплайб" юрармидик...

Аммо Telegram "вотсап"нинг бўшаб қолган ўрнига келди дейиш адолатсизлик бўлар. Нимасидир бордирки, одамларнинг кўнглига ўтирди, кучли ва қулай мулоқот воситасига, бизнесменнинг қуролига айланди, ҳаттоки давлат органлари ўз хизматларини телеграмда тақдим этмоқда.

Telegramнинг сирини — ўзига хошлиги, шундай функциялари борки, бемалол WhatsApp билан куч синашни учун етарли.

1. Хабарларни таҳрир қилиш

Бу ўзини ҳурмат қилган ҳар қандай фойдаланувчи учун энг керакли функция. Айтايлик, шошилинчда бир жумлани хато ёзиб жўнатиб юбордингиз, оддий хатога-ку чидаса бўлар. Аммо баъзида... ҳуллас, нималигини билдингиз. Бу ана шу хатони ҳали ҳеч ким ўқимасдан туриб тузатиш имконини берадиган, сизни хижолатдан қутқарадиган қулайлик.

2. Secret Chat

Смартфонларда кўп шахсий маълумотларимизни сақлаймиз. Масалан, шахсий ёзишмалар тарихи. Сир тутилиши керак бўлган ёки "бир марталик" хабарчалар. Telegramдаги Secret Chat функцияси шифрлашни қўллайди, бу хабарлар Telegram серверларида сақланмайди, маълум вақтдан сўнг телефонингиздаги ёзишмалар қаторидан ўз-ўзиндан ўчиб кетади. Бундай хабарлар учун

бошқа манзилга йўллаш опцияси ҳам ишламайди.

3. Катта файлларни жўнатиш

Telegram орқали истаганингизча ҳужжатлар, фотосуратлар, видеофайлларни йўллай оласиз. Ушбу мессенжернинг WhatsAppдан катта устунлиги ҳам шу. WhatsAppда 16 мегабайтгача файлларни йўллай оласиз, Telegramда эса — 1,5 Гб. Фарқни кўряписми?

4. Мулоқот пайтида YouTube

Кунига қанчадан-қанча дўстларингиздан "must-watch" видеороликлар олишингиз аниқ. Тасаввур қилинг-а, ўзингиз видеолардан бирини томоша қилаясиз-у, яна бир видеони дўстларингиздан бирига жўнатыасиз. Telegramда бу осон. Видео очилиши учун

унинг ҳаволасидаги миниатюра тугмасини босинг. Видеони кўриш баробарида чат давом этиши учун "Картинка в картинке" ("Суратдаги сурат") ёрлигини босинг.

5. Гуруҳдаги кўп сонли иштирокчилар

"WhatsApp" фаолиятининг катта қисми давомда гуруҳли чатлар 100 нафаргача қатнашчини қамраб олади. 2016 йили лимит 256 кишига ошириди. Аммо бунинг Telegram таклиф этаётган нуфусга солиштириб ҳам бўлмайди — 100 000 фойдаланувчи! Бу супергуруҳларнинг ягона хабарлар тарихи, бириктириб қўйилувчи хабарлари ва жавоблари, эслатмалари ва хэштеглари бор. Оддий гуруҳни супергуруҳга айлантироқчи бўлсангиз гуруҳни чатни очиб, саҳифанинг юқори ўнг бурчагидаги "Изменить" тугмасини босинг. Очилган ойнада "Преобразовать в супергруппу" ("Супергуруҳга айлантириш") ни танланг.

6. "Сўнгги хабарлар" ни инкор этиш

Telegramда махфий бир функция бор. Масалан, сиз тармоққа қачон кирганингизни билдирмайдиган қилиб қўйишингиз мумкин. Сизнинг статусингиз кимларга кўришиб туришини ўзингиз танлайсиз. Бунинг учун Telegram соzламаларидан "Конфиденциальность и безопасность" ("Махфийлик ва хавфсизлик") > "Последнее посещение" ("Сўнгги ташриф") қисмига

ўтасиз. "Кто может видеть..." ("Ким кўриши мумкин...") бўлимидан "Мои контакты" ("Контактлар") ни танлайсиз.

"Добавить исключения" ("Ўчиришлар қўйиш") дан хоҳишингизга қараб "Всегда делиться" ("Доим бўлишиш") ёки "Никогда не делиться" ("Ҳеч қачон бўлишмаслик") ни танлайсиз.

7. Суратларга ёрликлар ёпиштириш

Тўғри, бу нарса кўпларга ёқмайди. Аммо ишқибозлари ҳам оз эмас. Telegram айнан учун фотосуратларни таҳрир қилиш функциясини жорий этган.

8. Telegramни яшириш

Сиз Telegramга келган барча файлларни юклаб олиш имконига эгасиз. Бироқ хотирадаги жойни банд қилмаслиги учун уларнинг галереяга қўйилишини таққийлай оласиз. Бу функцияни соzлаш учун "Настройки" ("Соzламалар") > "Сообщения" ("Хабарлар") > "Сохранить в галерею" ("Галереяда сақлаш") га ўтасиз.

Юқоридаги саккиз функция Telegramга нафақат "WhatsApp", балки бошқа мессенжерлар билан ҳам бемалол беллашиш имконини беради. Ишлатиш қулайлиги ва осонлиги бўйича эса, назаримизда, ҳеч бир рақобатчиси унга тенглаша олмас керак. Балки бунинг ўзинигина синаб кўрярсиз.

С.ТЕМИРОВ тайёрлади

12 АЛОҚА ОЛАМИДА



ИЛОВАЛАР

APPLE КОМПАНИЯСИ APP STOREДАГИ ИЛОВАЛАР ТОП-10ЛИГИНИ ТУЗДИ

Компания ҳар йили iPhone, iPad, Mac ва Apple TV учун энг яхши иловалар ўнлигини тузишга одатланган. Бу сафар рўйхатга қуйидагилар кирди:

- Agenda — ёндафтар
- Bandimal — болалар учун мусиқа яратувчи илова
- Calzy — калкулятор
- iTranslate Converse — таржимон
- Triton Sponge — жарроҳликда қон йўқотишни баҳоловчи илова
- Florence — ўйин
- Insadie — ўйин
- Alto's Odyssey — раннер
- Frost — ўйин
- Oddmar — платформер

App Storeдаги 2018 йилнинг энг яхши иловалари АҚШ, Европа, Туркия ва Австралияда ишлаб чиқарилган.



БИЗНЕС

MICROSOFT КОМПАНИЯСИ GitHubНИ СОТИБ ОЛГАНИНИ РАСМАН ТАСДИҚЛАДИ

Шартнома қиймати 28 млн.дан ортиқ башорат қилинганидан юқорирак (7,5 млрд. доллар) бўлди ва Microsoft блогига эълон қилинди.

Шартнома пули йил охирига Microsoft акциялари кўринишида тўла берилди. GitHub эса ўз анъаналарига содиқ қолиб, Microsoftдан мустақил равишда, барча ишлаб чиқарувчилар учун очик ҳолда фаолиятини давом эттираверади.

GitHub платформаси-

дан 28 млн.дан ортиқ ишлаб чиқарувчилар, йирик компаниялар, жумладан, Microsoft ҳам фойдаланиб келган. Bloomberg манбаси ха-



барига кўра, GitHub маъмурияти Microsoftнинг ҳозирги раҳбари Сатя Наделланинг ишдан қониққани учун платформани сотишга розилик берган.

МОБИЛ ИНТЕРНЕТ

ЭНГ АРЗОН МОБИЛ ИНТЕРНЕТ

Content Review агентлиги дунёнинг мобил алоқа энг арзон мамлакатларини ўрганди (компания Россияда фаолият юритгани учун нархлар рублда келтирилган).

Маълум бўлишича, энг арзон мобил интернет Эронда — 1 гигабайт учун 5,4 рубл тўланади. Кейинги ўринларда Полша (1 ГБ/16,8 рубл), Венесуэла (1 ГБ/23,2 рубл), Қозоғистон (1 ГБ/49,5 рубл)

ва Ҳиндистон (52,8 рубл).



Мобил интернет арзон мамлакатлар "ўнлиги"га Миср (54,5 рубл), Покистон (54,8), Россия (65,2 рубл), Италия (95,1 рубл) ва Нигерия (99,1 рубл) ҳам кирган.

Энг қиммат мобил интернет Япония (1 ГБ/830,7 рубл), Жанубий Корея (1 ГБ/797,5 рубл), Швейцария ва БАА (771/рубл)да.

БОЗОР

"ЕВРОСЕТЬ" БРЕНДИ ЙИЛ ДАВОМИДА БАРТАРАФ ЭТИЛАДИ

"Связной" ва "Евросеть" қўшма компаниялари ягона — "Связной" бренди остида бирлашади, "Евросеть" эса йил давомида бартараф этилади.

РБКнинг ёзишича, нега бу бренддан воз кечилаётгани маълум қилинмаган, бироқ компанияга яқин манбага кўра, "Евросеть"даги улушини сотаётган "ВымпелКом"нинг талаби шундай бўлган.

"Связной" раҳбари Александр Малиснинг айтишича, компания олдидан янги вазифа турибди: харидор унинг дўконларидан ўзи сотиб олишни истаган техникани топа олиши керак.

ХАВФСИЗЛИК



ЭКСПЕРТЛАР СМАРТФОННИ ЭШИТИШ МУМКИНЛИГИНИ ИСБОТЛАШДИ

Смартфон ишлатувчилар микрофондан фойдаланишни сўровчи иловалар борлигини яхши билишади, демак, улар орқали фойдаланувчини "бегона қулоқ" ҳам эшитиши мумкин. Asterix фирмаси экспертнинг таъкидлашича, жуда кўплаб титгер-сўзлар жойланган дастурлар бор, улар эшитиш учун дастурни яширин тарзда ишга тушира олади.

Масалан, титгер-сўзлар овозли ёрдамчиларни ишга туширишда қўлланади — "Салом, Siri", "Окей, Google", бунақа иборалар бошқа дастурларда минглаб бўлиши мумкин.

Vice журналисти Asterix экспертнинг айтганларини синаб кўриш мақсадида беш кун давомида микрофонни фаоллаштириш мумкин бўлган ибораларни қидириш билан шуғулланди.

"ГазетаDAILY" портали хабарига кўра, кийим-кечак ва ўқув юртлири билан боғлиқ титгер-сўзлар борлиги аниқланди. Кейинчалик журналистнинг янгиликлар тасмасида турли кийимлар ва ўқув юртлири рекламаси пайдо бўлишни бошлаган.

С.ТЕМИРОВ тайёрлади

ХАЛҚАРО ҲАЁТ

Қирғизистонда Сапар Исоқов қўлга олинди

Қирғизистон собиқ бош вазири Сапар Исоқов коррупция бўйича жиноий ишни суриштирувдан ўтказиш доирасида қўлга олинди. "Бишкекнинг Первомайск туман суди томонидан собиқ бош вазир Исоқовга эҳтиёт чораси ўзгартирилди", — дейилади хабарда.

Эслатиб ўтамиз, Исоқов Қирғизистон ҳукуматини ўтган йилнинг августидан, аввалги президент Алмазбек Атамбоев ҳукмронлиги вақтида бошқарди. Парламент қарорига кўра, у ярим йилдан сўнг лавозимидан четлатилди. 2018 йилнинг 29 майида тергов қилинаётган ҳамда Бишкек шаҳри ИЭС модернизациясидаги коррупция ҳолати бўйича қўзғатилган жиноий иш доирасида, собиқ бош вазир Исоқовга республика жиноят кодексининг "Коррупция" моддаси бўйича айблов қўйилган ва шаҳарни тарк этмаслик ҳақида ёзма билдиришнома кўринишида эҳтиёт чораси танланган эди.

БААлик миллиардерлар саховати

Дубайлик 1,5 миллиард АҚШ долларини миқдоридаги бойликка эга Шамшор Ваялид, 4,1 миллиард АҚШ долларини соҳиб доктор Б.Шетти ҳамда БАА йирик бойларидан ҳисобланган Бадр Жафар ўз

пулларининг тенг ярмини хайр-саховат ишларига сарфлаб юборишди.

Қатар НАТОга кириш истагини билдирди

Қатар ҳозирда фаол ҳамкорлик қилаётган НАТОнинг таркибига кириш истагини



билдирди. "Қатар НАТО билан самарали ҳамкорлик қилади, бу ҳамкорлик кундан-кунга ривожланиб бормоқда ва Қатарда альянсининг бирор бўлими ёки ихтисослашган маркази жойлаштирилишига олиб келиши мумкин. НАТОда аъзоликка келсак, биз унда тўлақонли аъзо бўлишга эришиш истагимиз бор", деб таъкидлаган Қатар мулоффа вазири Халид бин Муҳаммад ал-Аттийҳ. "Ал-Талайя" нашрига берган интервьюсида.

Унинг айтишича, альянс Қатарга террорчиликка ва унинг молиялаштирилишига қарши курашда ёрдам бериши ва минтақада хавфсизлик ҳамда барқарорлик қафолати бўла олиши мумкин.

Boeing Эронга самолётлар етказиб бермайди

Boeing корпорацияси Эронга аввал имзоланган 20 млрд. долларлик шартномаларда кўзда тутилган самолётларни етказиб бермайдиган бўлди. Бунга АҚШ президенти Доналд Трампнинг Эрон билан ядровий келишувдан чиқиб ва Эронга қарши аввал бекор қилинган санкцияларни тиклаш қарори сабаб бўлган. "Биз Эронга ҳозирча самолёт етказиб бермадик ва Эрон билан савдо қилишга лицензияга бошқа эи эмасдигимиз сабабли самолётларни етказиб бермаймиз", деб айтган Boeing вакили.

Меркел: Россия G8га қайтарилмайди

Германия канцлери Ангела Меркел маълум қилишича, айни дамда Россиянинг G8 ("Катта саккизлик")га қайтиши имконсиз нарсадир. Унинг Бундестаг депутатлари олдидан айтган сўзларига кўра, G7 аъзолари халқаро тартибга риоя этиш тарафдорлари саналади, Россия томонидан Қрим ярим оролининг қўшиб олиниши эса халқаро ҳуқуқ нормаларининг аниқ бузилишидир. "Россиянинг G8 шаклидан чиқариб юборилиши аниқ эди ҳамда бунинг олдини олиб бўлмасди", —

дея маълум қилган Меркел. Унинг қўшимча қилишича, Россия томони билан мулоқот давом эттирилмоқда.

Ямандаги вазият муҳокама қилинди

АҚШ ва Бууюк Британия ташқи ишлар вазири — Майк Помпео ҳамда Борис Жонсон Ямандаги гуманитар вазиятни ҳамда ИШИД террорчилик гуруҳи билан биргаликда кураш олиб бориш масаласини муҳокама қилди. Муҳокама чоғида Ямanning асосий портини исёнчилардан озод этиш ва у ерга инсонпарварлик



ёрдмларини етказиб бериш учун БААга АҚШнинг тўғридан-тўғри ҳарбий қўлловчи керак.

Ямандаги қуролли можаро 2014 йилдан бери давом этмоқда, унда шиаларнинг "Ансар Аллоҳ" ҳаракатидан бўлган исёнчи ҳусийлар ва ҳукумат қўшинлари иштирок этяпти.

У.ТОЖИБОВ тайёрлади

ОРТДА ҚОЛИБ БЎЛМАЙДИГАН ПОЙГА

◀1-бет.



Эътибор берайлик, ҳар йили йил якунида қўшиқчиларни ва шунингдек, спортчиларни ҳам катта номинациялар бўйича тақдирлашади ва ОАВ орқали бутун элга овоза қилишади. Лекин олимларнинг муваффақиятли илмий ишлари учун тақдирлаб, элга танитишганини эслай оламизми? Афсуски йўқ. Натижа тунни тонгга улаб, ойлаб, йиллаб илм йўлида сочи оқарган (ёки тўкилган) олимнинг каттамикчикми ютуғи асосан ўша институт ичарисиди, нари борса эса Фанлар академияси деворлари ичида қолиб кетади.

Интернет тармоғида ўтказилаётган блогерлар чемпионатида бир муаллиф қандли диабетга қарши супермолекула синтези борасидаги илмий иши пайтида дуч келган муаммолари ҳақида кўйиниб ёзди. У учун аминокислоталарни домласи ўз чўнтагидан олиб келиб бериб турганини, илмий текширишлар учун асбоб-ускуна, лаборатория жиҳозлари ва реактивлар етишмаслиги ҳақида баён қилди.

Назаримда, жамиятда илм тарғиботи билан бирга, олимларнинг нуфузини оширишга қаратилган тadbирларни ҳам кечиктирмай бошлаш керак. Вақт аллақачон келган.

Бунинг учун нима қилиш лозим?

Энг биринчиси, жамиятда олимларнинг обрўси ортишидан энг катта манфаатдор бўлган ташкилот — Республика Фанлар академияси ҳамда Ҳукумат таъсисчилигида мамлакатимиз олимлари учун нуфузли миллий илмий мукофот таъсис этиш керак.

Бу олимларимиз қайд этган илмий натижаларнинг энг юксак эътирофи бўлиши ва албатта “Давлат мукофоти” мақомига эга бўлиши лозим. Мукофот олимнинг ёши, жорий илмий даражаси, фаолият йўналиши ва ҳоказо субъектив омилларидан қатъи назар, истисносиз равишда фақат у қайд этган ва назарий ёки амалий аҳамияти мустақил экспертлар томонидан тасдиқланган илмий иши (кўрсатган натижаси) учун берилиши зарур. Ушбу илмий мукофотнинг нуфузи мамлакатда энг олийси, унга эришиш ҳар қандай олим учун шарафли ва мукофот олим фаолиятидаги олий мақсаллардан бирига айланганидан даражада бўлсин. Мукофот

учун махсус жамғарма ташкил этиш ва унинг пул мукофоти қисми қиймати ниҳоятда баланд қилиб белгилаш (айтайлик, ҳеч бўлмаганда, Тошкентдан икки хонали уй ва битта автомашина олиш учун етарли бўлсин) керак. Мукофотни топшириш маросимини ҳам энг юксак даражада ташкил этиш, уни ОАВда кенг ёритиш ва олимнинг қайд этган натижаси моҳиятини кенг жамоатчиликка имкон қалар кенг тушуштиришни ташкиллаштириш зарур. Масалан, ҳар йили Нобел мукофотини тантанали топшириш маросимидан кейин, Нобел лекциялари, Нобел суҳбатлари уюштирилади. Унда мукофот олган олимларнинг ўзи илм-фан ва соҳаси ҳақида маърузалар ўқийди. Бизда ҳам ишни шу каби ташкиллаштириш мумкин.

Мукофот Улуғбек ёки Ал-Хоразмий каби олимларимиз номи билан боғланса, нур устига нур бўлади. Ёки оддийроқ қилиб, мисол учун “Илм сарбони” деб номласа ҳам бўлади. Эътибор берсак, хонандалар учун “Нихол”, “Эътироф” каби мукофотлар мавжуд, спортчилар учун ҳам қатор давлат мукофотлари бор. Олимлар учун аталган мукофотлар ҳам бор. Тармоқдан топган манбаларимга кўра, ҳозирда бизда фан ва техника соҳасида I ва II-даражали давлат мукофотлари ҳамда “Science Leader” номи ярим халқаро, ярим миллий мукофот бор экан. Лекин буларни миллий илмий мукофот даражасида, деб бўлмайдими.

Иккинчиси — мамлакатимизда аниқ бир кунни “Илм ва олимлар кунини” деб белгилаш ва байрам даражасига етказиш. Хуллас, илм байрами ташкиллаштирилиши керак. Бунинг учун Ўзбекистон Фанлар академияси ташкил қилинган сана — 4 ноябр кунини яхши вариант бўлади. Балки, бундан ҳам яхши сана бўйича тақдирлар бўлиб қолар. Юқориди айтиб ўтилган илмий мукофот ҳам айнан ўша байрам санасида олимларга тантанали топширилса, аъло иш бўлган бўларди.

Учинчиси — забардаст фидойи олимларимиз шахси ва фаолияти ҳақида ОАВда кенг ёритиш. Шу мақсадда энг яхши йўл олимларимиз ҳақида ёшлар учун намуна ва ўрнак мактаби бўладиган кинофильмлар ишлаш керак. Телевиденисмиз Мария Кюри, Жон Неш, Стивен Хокинг, Сринавассан Раманужан ҳақидаги таржима бадиий кинофильмларни аллақачон эфирга қўйган. Лекин, Маҳмуд Салоҳиддинов,

Ҳабиб Абдуллаев, Пулат Ҳабибullaев, Сайёра Рашидова сингари ўзбек олимлари ҳақида видеофильм ҳам йўқ.

Буларнинг ҳаммаси ташкилий ишлар. Ундан ташқари, энг асосийси — олимларнинг илмий фаолиятини мунтазам, тизимли қўллаб-қувватлайдиган тизимни йўлга қўйиш керак. Ишонинг, олимларга илмий ишлари учун керакли препаратлар, реактивлар, асбоб-ускуналар борасида тақчиллик бўлмайдиган шароит ҳозирлаб бериш, улар учун ҳар қандай мукофотдан яхши бўлади. Синаб кўришингиз мумкин, олимларга “Нима камчилик?” десангиз, улар ҳеч қачон маоши камлиги ёки уй-жой муаммосини айтишмайди. Улар биринчи навбатда илмий фаолият учун етишмаётган шароитни айтишади...

Бундай шароит ҳозирлаб бериш учун эса, турли илмий тадқиқот институтларини, айниқса, истиқболли илмий ишларни молиялаштиришни йирик пулдор корхоналарнинг оталигига бериш ёки тижорат банкларига бириктириш керак, деб ўйлайман. Менимча, илмий тадқиқотларни молиялаштириш учун бу энг яхши ечим бўлади.

Қолаверса, институтларни ва ёш олимларни нуфузли халқаро илмий журналлар ва янги-янги илмий адабиётлар билан мунтазам таъминлаб туриш мудоим. Шундай манбаларни республикаимизга доимий олиб келинишини ташкиллаш ва уларда чоп этилаётган мақолалар асосида, ўша журналларнинг маҳаллий талқинларини юритиш керак. Олим дўстларимизнинг айтишича ҳозирда бу боралда аллақачон ижобий ўзгаришлар мавжуд. Масалан, Elsevier, Springer ҳамда Scopus каби дунёдаги етакчи илмий базаларига эндиликда бизнинг олимларимиз беъмалол кира олишмоқда.

Яна бир муҳим нарса бор:

Албатта, замонавий амалий илмни эгаллаш учун хорижий тилларнинг аҳамиятини инкор қилмаган ҳолда, шуни алоҳида айтмоқчиманки, ҳар қандай илмни пухта ўзлаштириш, унинг мазмун-моҳиятини тўлиқ анг-

лаб этиш учун одам ўша илминини ўз она тилида ўрганиши керак. Шу нуқтаи назардан, жаҳоннинг энг илгор олимлари муаллифлигида чиққан сўнгги илмий адабиётларни ва айниқса, ҳозирги кундаги энг долзарб илмий муаммоларни, назария ва тадқиқотларни мукамал ёритадиган фундаментал асарларни, монография ва бошқа манбаларни марказлашган ҳолда ўзбек тилига таржима қилинишини ташкиллаш зарур. Таржима фаолияти мунтазам давом этишини таъминлаш ва таржималарнинг тахрир ва тақризи учун ўша соҳанинг мамлакатимиздаги энг обрўли олимларини жалб қилиш керак.

Бунда, аввало, тегишли фан соҳалари бўйича биринчи навбатда таржима қилиниши керак бўлган адабиётлар рўйхатини шакллантириш ва ишни ўшалардан бошлаш керак, деб ўйлайман.

Энг муҳим тақлим эса қуйидагича: эркин иқтисодий зоналар, кичик саноат зоналари ташкил қилинаётганидек, республикаимизнинг бирор ҳудудида илм-фан шаҳарчаси ҳам барпо этиш керакмизкин... Албатта, бу кўп маблағ ва куч талаб қиладиган, узоқ муддатли мураккаб лойиҳа бўлади. Бир неча ўн йилликлар кетиши ҳам мумкин. Лекин ишни ҳозирдан бошласак, Ўзбекистон илм-фани келажаги учун буюк пойдевор қўйган бўлаемиз. Тошкент яқинида илм-фан маркази бўлган Улуғбек шаҳарчаси борлигини биламан. Балки шу шаҳарча негизда янги илмий пойтахт бунёд қилармиз? Ушбу илм шаҳарчаси инфратузилмасига кўра, илм-фан ютуқларини ва инновацияларни бевосита ишлаб чиқаришга йўналтириш учун қулай ҳуқуқий ва амалий шароит ҳозирлайдиган маскан, қисқа қилиб айтганда, илм-фан пойтахти бўлиши керак. Яна-ям бу боралда академик олимларимизнинг ўзларидан маслаҳат ва тақдирлар олинса, пухта режа билан иш бошланса, мақсадга албатта эришилади.

Ҳозирча шу...

Музаффар ҚОСИМОВ

Жамиятда олимларнинг обрўси ортишидан энг катта манфаатдор бўлган ташкилот — Республика Фанлар академияси ҳамда Ҳукумат таъсисчилигида мамлакатимиз олимлари учун нуфузли миллий илмий мукофот таъсис этиш керак.

БЕЗИЛ АМАКИ

Эва-Лис ВАРИО
(ҲИКОЯ)



Безил амаки бойлигига мос бўлмаган кичкинагина уйда яшарди. Вернер ҳовлидаги дарахтларга қарар, тамаки дўконидан қоғоз олиб келар, бўш пайтларида эса тирноқларини текислаб ўтирарди. У Безил амакига "Сиз бойлигингизни нариги дунёга олиб кетолмайсиз", демасди, чунки унга бойлиқнинг қизиғи йўқ эди.

Икки нарса аниқ эди. Безил амаки қашшоқ эди.

Бутун оиладагиларнинг фикри шундай эди. Улар пулга муҳтож бўлган пайтларда у ҳақда дунёдаги барча ҳақоратли сўзларни ишлатишарди. Юовш Клотилда ҳам бўйнидаги дури эскириб қолгани учун янгисини сотиб олишни истаган куни уни оддийгина қилиб Скруж Безил деб атади. Ҳали пули тўлиқ тўланмаган "Астон Марти"ни уриб олган Персивал Безил амакини қоқсуяк, қашшоқ, зикна, ярамас ва шу каби бир қатор "безакдор" сўзлар билан таърифлади! Қолганлар ҳам у ҳақда лугатда бор-у йўқ сўзларни ишлатиб бўлишганди.

— Шунча пули бор одам бунчалик зикна бўлмаслиги лозим, — деди Персивалнинг онаси, — лекин у ҳақда ёмон сўз айтма. Қулоғига етиб бориши мумкин.

— У бойлигини қабрига олиб кетолмайди, — деди Персивалнинг онаси сочларини тараркан, — мен янги мўйна палто сотиб олиш учун пул сўраганим, у "Палтони нима қиласан? Ҳозир ёз-ку", деди. У хасис.

"У бойлигини қабрига олиб кетолмайди" деган сўзлар Безил амакининг олдида ҳам тез-тез айтилади-ган бўлиб қолганди. "Бунча бойликни қабрингизга олиб кетармидингиз, Безил амаки, — дейишарди улар. — Нега шаҳар четидан кенг ҳовли олиб яшамайсиз? Биз меҳмон бўлиб борардик. Қандай зўр бўларди. Бойлигингизни нариги дунёга олиб кетолмаслигингизни ўзингиз ҳам биласиз-ку".

Безил амаки ўзини қулоғи оғир одамдек тутиб, уларнинг барча сўзларини эшитганди. У ўзининг қизганчиқ, хасис, зикна, ярамас, бир чақа устида дўмбалоқ ошадиган, бойликка ўч, емай тўплайдиган одам эканлигини билиб олганди. У бундан ҳам бағтарроқ сўзларни эшитганди. Барибир, парвойи фалак эди. Фақат, "У бойлигини қабрига олиб кетолмайди" деган сўзлар унинг асабини кўзирди.

У Трансваалда олтин

топилган пайтда ўша ерга бориб бойиб кетганди. Одамлар унинг роҳатда яшаш учун анча қариб қолганлигини айтишарди. Улар нимани ҳам билишарди? У ҳаммага "йўқ" деб роҳат қиларди. Одамлар цирклаги ҳайвонларга ўхшашади, ўйлаб қоларди у кўпинча, уларнинг минглаб талаб-истаклари олдида бошқа нарсаларнинг қадри йўқ.

У фақат бир марта "хўп" деганди. Ушанда, синглиси ундан ақли ноқисроқ ўғли Вернерни ўз ёнига олишни сўраганди. "У сенинг ёрдамчинг бўлади", деганди синглиси Мауд. Вернер унга барча ишларда ёрдам берма-са-да, ҳар қалай Безил амакининг югур-етими сифатида унинг ёнида юрганидан хурсанд эди.

Безил амаки бойлигига мос бўлмаган кичкинагина уйда яшарди. Вернер ҳовлидаги дарахтларга қарар, тамаки дўконидан қоғоз олиб келар, бўш пайтларида эса тирноқларини текислаб ўтирарди. У Безил амакига "Сиз бойлигингизни нариги дунёга олиб кетолмайсиз", демасди, чунки унга бойлиқнинг қизиғи йўқ эди.

Безил амаки, шунингдек, Вернердан ҳамкорлари, банк ва шу каби ишларга хат ташувчи сифатида ҳам фойдаланар, зеро у почтага ҳам, телефонга ҳам ишонмасди. Вернер қалин хатжилдларни у ёқдан-бу ёққа ташиб ўрганиб қолган, уларнинг ичида нима борлигига қизиқиб ҳам кўрмасди. Безил амакининг адвокати, ҳисобчилари ва банк ходимлари ҳам бу кишининг антиқа бизнес усулига кўникиб қолишганди. Бойлар ўзлари истаганларидек иш қилишлари мумкин.

Безил амакининг яна бир антиқа иши шу бўлдики, у соппа-соғ юрган пайтидаёқ Вернер билан дурадгорлик дўконига борди ва ўзи учун тобут ясашга буюртма берди. У тобутнинг каттароқ бўлишини айтди.

Ёши Безил амаки билан тенг бўлган дурадгор унга нархи арзонроқ, рандаланмаган тобут ясаб берадиган бўлди. Рандалангани икки баробар қиммат эди. "Ўзим

рандалаб оламан, — деди Безил амаки. — Вернер, ҳали вақтимиз кўп. Мен эртага ўлмоқчи эмасман. Унда уйдагилар хурсанд бўлиб кетишади. Мен роҳатланишни ёқтираман".

Бир куни эрталаб у Вернерни адвокати олдида жўнатди. Буни эшитиши билан бутун оиладагилар Безил амаки пулини кимга васият қилиб қолдириши тўғрисида можаро бошлашди. У бу ҳақда кейинроқ айтишини билдирди. "Бу ҳақда бошқа сўз очманглр", деди у.

Бу воқеа уй бекаси эрталаб чой келтираётиб, Безил амакининг абадий уйкуга кетганини кўришидан ўн йил илгари бўлганди. Ўтган ўн йил давомида у роҳатланиб яшайди. Оиладагилар уни безовта қилишмади, унинг сармоясига тўхтовсиз ўсиб борди.

Фақатгина доим пулга ўч Персивал унинг чойига заҳар солиб қўйишни ўйлаб юрар, фақатгина Безил амакининг ўлими унинг бу режасини тўхтатиб қолди. "Бахтли ўлим, — дейишди бутун оиладагилар. — Қийналмасдан жон берибди".

Улар амакиларига қандай меҳрибон бўлишганини эслаб бошлашди ва унинг меросига кўпроқ ким ҳақли экани ҳақида баҳс бошлаб юборишди. Ҳар бир киши ўзининг қандай меҳрибонликлар кўрсатгани ва фақат ўзи меросга ҳақли эканлигини айтиб қичқирарди.

Улар адвокат билан маслаҳатлашишди. У Безил амакининг васиятини айтди. Кўмиш маросимига шаҳардаги энг яхши дўкондан энг яхши маҳсулотларни сотиб олишингларни айтган. Ғоз ва курка, мол ва қўй гўшти, вино ва вискилар олий сифатли бўлиши керак.

Адвокат хонасида яна бир хатжилд борлигини, унда нима ёзилганини билмаслигини, кўмиш маросими тугагандан сўнг уни очиб ўқиб беришини айтди. Ҳамма

қимматбахо қора кўйлак сотиб олди ва маросимга тайёргарлик қилиб кетди. Фақатгина Вернер, Безил амакига бошқа тобут сотиб олмайсизларми, деди. Богдани тобут ёмғирда қолиб бузилиб кетганди. Лекин унга ҳеч ким қулоқ солмади. Барибир, ер тагида қолиб кетадиган нарса, янги тобутнинг нима кераги бор?

Шундай қилиб, йиғи-сиғи билан Безил амакини кўмишди. Оиладагилар уй бекаси тарк этаётган кичкина уйга йиғилишди. Улар Вернердан уй энди унинг номида эканлигини эшитиб ажабланишди, лекин ғазабланишмади. Безил амаки унга анчагина нақд пул берган ва уни қандай қилиб кўпайтириш мумкинлигини ўргатиб кетганди. Оиладагилар Вернер шу пулга рози эканини эшитиб енгил тортишди. Вернер кўп пул ушлаб ўрганмаган, кўп пулга муҳтож эмасди.

Ниҳоят, адвокат хатжилд-ни очганида уйга жимжитлик чўкди. Унинг ичида Безил амакининг қўли билан бир сатр гап ёзилган қоғоз бор эди: "Пуларимни ўзим билан олиб кетдим". Бу қанақаси бўлди? Унинг миллион-миллион пули бор эди-ку! Ҳа, дейишди, ҳисобчилар, банк ходимлари. Безил амаки ўтган ўн йил давомида бор бойлигини нақд пулга айлантириб кетганди. Лекин уларни нима қилган? Буни ҳеч ким билмасди.

Бу ҳақда Вернердан сўраб кўриш ҳеч кимнинг хаёлига келмади. Вернер ўн йил давомида банкдан олиб келган ҳамма хатжилдларни Безил амакининг тобутига ёпиштириб чиққанди. Аввал у хатжилдларни тобутнинг ҳамма тарафига ва остига ёпиштирганди. Сўнгра эса Безил амаки буюрганидек, тобутга қалин матони майда мих билан қоқиб ташлаганди.

Вернернинг боши яхши ишламаса-да, қўл-оёғи чаққон эди.

У буюрилган ишни аъло даражада бажарганди.

Инглиз тилидан
Дилшодбек АСҚАРОВ
таржимаси

ҚИСҚА ҲИКОЯЛАР

Дэн Эндриос

Бахтсиз

Ёвузликнинг юзи бўлмайди, дейишади. Ҳақиқатан ҳам унинг юзида ҳеч қандай ифода йўқ эди. Мен оғриққа чидай олмаётганим, у эса ўта совуққонлик билан менга яқинлашди. Наҳотки, у кўзларимдаги кўрқув ва юзимдаги ваҳимани кўрмаётган бўлса? У хотиржамлик билан, янаям аниқроғи, моҳирлик билан ўз ишини якуналади ва деди: "Тишингизни олиб ташладим, оғзингизни чайқанг".

Никол ВЕДДЛ

Учрашув жойи

Кўнғироқ жиринглади.

— Алло, — деди аёл.
— Виктория, бу менман. Кечқурун соҳил бўйида учрашайлик.
— Яхши, азизим.
— Илтимос, ўзинг билан бир шиша шампан ҳам олиб кел.
— Ҳўп, азизим.
— Кутаман!
Аёл хўрсинди, сўнг жилмайди.
— Қизиқ, у ким бўлди экан, — деди у.

ИСЛОҲОТЛАРГА БАРЧАМИЗ МАСЪУЛМИЗ

2017-2021 йилларга мўлжалланган Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси, биринчи навбатда, инсон ҳуқуқлари ва эркинликлари ҳамда қонуний манфаатларини ишончли ҳимоя қилиш тизимини такомиллаштиришга ва самарадорлигини оширишга, халқимизнинг давлат ҳокимиятига бўлган ишончини янада мустаҳкамлашга хизмат қилмоқда.

Ҳаммамизга аёнки, инсон ҳуқуқ ва эркинликларини таъминлашда ички ишлар органларининг фаолияти фоят муҳим аҳамиятга эга. Бу соҳадаги мақсадимиз келажақда эл-юртимизнинг ишончи ва меҳрини қозонган, том маънодаги халқпарвар ички ишлар органлари тизимини яратишидир. Айни пайтда бу ишлар катта йўлнинг бошланиши, дастлабки босқич эканини яхши тасаввур этамиз.

Бир сўз билан айтганда, барчамиз — фуқаролар ҳам, жамият ҳам, давлат ҳам Ватанимиз равнақи учун, мамлакатимизда тинчлик-барқарорликни мустаҳкамлаш, тарихий, маънавий ва маданий меросимизни сақлаш, бойитиш ва келгуси авлодларга беизвол етказиш учун бирдек масъулмиз. Президентимиз таъкидлаганидек, энг аввало, одамларимиз ислоҳотлар самарасини келажақда эмас,

балки бугун ўз ҳаётида ҳис этишлари зарур.

Бу фикрлар Давлат фелдъегерлик хизмати шахсий таркиби иштирокида бўлиб ўтган "Инсон учун хизмат қилаётган ислоҳотлар" мавзусидаги маърифат дарсида таъкидлаб ўтилди. Мавзу юзасидан йиғилганлар ўз фикр-мулоҳазаларини билдирилар.

А.МИРМАҚСУДОВ,
ДФХ подполковниги

ЎХСОБОТ

ДАРОМАДНИ ОШИРИШ РЕЖАСИ БЕЛГИЛАБ ОЛИНДИ



Қарши шаҳрида "Ўзбектелеком-Интернешл" қўшма корхонаси тасарруфидаги "Ўзи-Қарши", "Ўзи-Самарқанд", "Ўзи-Жиззах" ва "Ўзи-Термиз" филиалларининг жорий йил биринчи чорагида аҳоли ва ташкилотларга телекоммуникация хизматларини кўрсатиш даражасига бағишланган ҳисобот йиғилиши бўлиб ўтди.

Йиғилишда қўшма корхона бош директори Герасим Ли 2017 ва 2018 йил биринчи чораги давомида қўшма корхона филиаллари томонидан олинган даромадлар ва уларнинг ўсиш суръатлари тўғрисида маълум қилди. Бош директор аҳоли ва ташкилотларда телекоммуникация хизматларини кўрсатишда ҳамон мавжуд имкониятлардан фойдаланилмаётгани, даромадларнинг асосий қисми шаҳарлараро телефон станциялари ҳиссасига тўри келаётгани, телеграф, шаҳарлараро ва маҳаллий телефон тармоғи, оптик толалари алоқа кабели тортилиши, интернет хизматини кўрсатиш, асосий фаолиятнинг бошқа даромадлари тўғрисида гапириб, қўшимча

хизматлар кўрсатишдаги сусткашликларга барҳам бериш лозимлигини таъкидлади.

Корхона молия директори Нодир Сафаров, техник директор Алишер Ғайбуллаевлар 2018 йилнинг биринчи чораги мобайнида кенг полсали хизмат турларига уланган абонентлар сони, ADSL ҳамда FTTx технологияси асосида интернет, IPTV хизматини сотиш режаси, "БPM" филиали билан ҳамкорликда кенг полсали хизмат кўрсатишдан олинган даромадлар, филиалларнинг "Ўзи" ҚҚ ажратмалардан ҳамда олинган товар ва материаллардан жорий йилнинг I апрелигача мавжуд қарздорликларни атрофлича таҳлил қилишди. Аҳоли билан ишлашда йўл қўйилаётган сусткашликлар, натижада юзага келаётган дебитор қарздорликлар маълум қилинди.

Йиғилиш сўнггида хизматлар сифат даражаси ва даромадлар режасини ошириш бўйича вазифалар белгилаб олинди.

Шу кунги Герасим Ли техник ва технологик жиҳатдан модернизация қилиш ва соҳанинг юқори даражада юксалиши ҳамда равнақи йўлида ўзининг самарали ҳиссасини қўшган бир гуруҳ алоқачиларга қўшма корхонанинг фахрий ёрликлари, эсдалик совғалари ва пул мукофотларини топширди.

Афтондил ИСМОИЛОВ,
"Xabar"нинг Қашқадарё вилоятидаги мухбири

Муаллиф олган сурат.

АКМлар ҲАЁТИ

"МЕН ТАБИАТ БИЛАН БИРГАМАН"

Сирдарё вилояти ахборот-кутубхона марказида 5 июн — Бутунжаҳон атроф-муҳитни ҳимоя қилиш кунига бағишлаб вилоят экология ва атроф-муҳитни муҳофаза қилиш бошқармаси билан ҳамкорликда "Мен табиат билан биргаман" мавзусида тадбир ўтказилди.

Тадбирда вилоят экология ва атроф-муҳитни муҳофаза қилиш бошқармаси бўлим бошлиғи Н.Юлчиев ҳамда етакчи мутахассиси А.Исмоиловлар экология тушунчаси, минтақавий муаммолар, ичимлик сувининг танқислиги ва ифлосланиши, йўқолиб кетаётган ўсимлик ва ҳайвонлар ҳақида маълумотлар келтиришди. Бундан ташқари, мутахассислар мавзуга доир тайёрланган слайдларни намойиш этишди.

Тадбир сўнггида мавзу юзасидан берилган саволларга мутахассис ходимлар томонидан жавоблар берилди ва фаол иштирокчиларга эсдалик совғалари топширилди.

С.ЭРМАНОВА,
Сирдарё вилояти АКМ ходими

ТАДБИРКОР МАНФААТИ ҚОНУН ҲИМОЯСИДА

Абу Али ибн Сино номидаги Бухоро вилояти ахборот-кутубхона марказида айнан шу мавзуда ўтказилган давра суҳбати давомида кичик бизнес ва хусусий тадбиркорлик вакилларининг мамлакатимизда эмин-эркин фаолият олиб боришлари учун яратиб берилган шароитлар, бу борадаги имтиёз ва преференциалар хусусида сўз борди. Президентимизнинг соҳа ходимларини ижтимоий-иқтисодий ва ҳуқуқий ҳимоя қилишга қаратилган фармон ва қарорларининг вилоятдаги ижроси ва бу борадаги айрим сусткашликлар ҳам тадбир иштирокчилари эътиборидан четда қолмади.

Иштирокчилар АКМ томонидан тайёрланган тадбиркорлик соҳасини ривожлантиришга доир китоблар кўргазмаси билан ҳам таништирилди.

Тадбир якунида тингловчиларни қизиқтирган саволларга ташкилотчилар атрофлича жавоблар беришди.

Д.АХРОРОВА,
АКМ ҳуқуқий ахборот сектори мудири

ОИЛА МУСТАҲҚАМ — ЖАМИЯТ БАРҚАРОР

Абу Али ибн Сино номидаги Бухоро вилояти ахборот-кутубхона марказида Биҳиштиён маҳалла фуқаролар йиғини, Бухоро давлат университети билан ҳамкорликда ана шу мавзуда ток-шоу ўтказилди.

Тадбирда жамият тараққиётида маънан баркамол ва жисмонан соғлом авлодни тарбиялашда оиланинг ўрни муҳим эканлиги таъкидлаб ўтилди. Тадбирда Биҳиштиён МФЙ раиси Баҳодир Ҳураев, Бухоро давлат университети педагогика-психология факултети маънавий-маърифий ишлар бўйича декан ўринбосари Феруза Жумаева, 17-умумтаълим мактаби психолог Мавлуда Қодирова, вилоятдаги намунали оила вакили Муҳиб Халиповлар сўзга чиқиб, мавзу юзасидан фикр билдиришди. Маърузачилар ва талабалар ўртасида савол-жавоблар бўлиб ўтди. "Оила — муқаддас кўрган" мавзусида видеоролик намойиш этилди.

Тадбирда мавзуга доир китобларнинг кўргазмаси ташкил этилиб, атрофлича шарҳлаб берилди.

Д.РЕЗАЕВА,
АКМ кутубхоначиси

ЭЪЛОН!

Ўзбекистон Республикаси ахборот технологиялари ва коммуникацияларини ривожлантириш вазирлиги маълум қилади

Ўзбекистон Республикаси Вазирлар Маҳкамасининг 2001 йил 24 октябрдаги "Телекоммуникациялар соҳасида фаолият кўрсатиш ҳуқуқи учун давлат бож миқдорларини тасдиқлаш тўғрисида"ги 421-қарорига асосан лицензиядан фойдаланганлиги учун навбатдаги ҳар йиллик давлат божининг тўлов муддатини бузганлиги учун: "PRIME INVEST PLUS" масъулияти чекланган жамиятининг (Тошкент ш.) қўшма радио-телефон (мобил) алоқа тармоқ-

ларини лойиҳалаш ва қуриш бўйича фаолиятига 2014 йил 7 мартда берилган АА серияли 0004937 рақамли; "LINE BUSINESS CONNECT" масъулияти чекланган жамиятининг (Тошкент ш.) маҳаллий телекоммуникация тармоқларини лойиҳалаш ва қуриш бўйича фаолиятига 2016 йил 24 февралда берилган АА серияли 0005789 рақамли; "TROYA TAXI TRANS" масъулияти чекланган жамиятининг (Фаргона вилояти) маълумотлар

узатиш тармоқларидан фойдаланиш ва хизматларини кўрсатиш бўйича фаолиятига 2017 йил 6 февралда берилган АА серияли 0006074 рақамли; "SARVAR TEXNO SERVIS" масъулияти чекланган жамиятининг (Қашқадарё вилояти) маҳаллий телекоммуникация тармоқларини қуриш бўйича фаолиятига 2017 йил 5 апрелда берилган АА серияли 0006136 рақамли лицензияларнинг амал қилиши 2018 йил 1 июндан 10 иш кунига тўхтатилди.

